



周易傳義大全

卷二十二



Digitized by the Internet Archive
in 2021 with funding from
University of Toronto

周易傳義大全卷之二十二



辭本欲明易。若不用意深處。全在繫辭詩書乃格言。○如繫辭之文。後人決學不得。譬之工生物。且如生出一枝花。或有剪裁為之者。或有繪畫為之者。看時雖自相類。自然終不若化工所生。自有一般生意。

本義 繫辭本謂文王周公所作之辭。繫于卦爻之下。

者。即今經文。此篇乃孔子所述繫辭之傳也。以其通

論一經之大體。凡例故无經可附。而自分上下云。朱

曰。熟讀六十四卦。則覺得繫辭之語。甚為精密。是易之括例。○繫辭或言造化。以及易。或言易。以及造化。

不出此理。○六十四卦。只是上經說得齊整。下經便亂董董地。繫辭也如此。只是上繫好看。下繫便沒理。

會○雙湖胡氏曰。繫辭傳中言聖人繫辭者六。曰聖人設卦觀象繫辭焉而明吉凶。曰聖人有以見天下之動繫辭焉以斷其吉凶者。凡兩出。曰繫辭焉所以告也。曰繫辭焉以盡其言。曰繫辭焉而命之。皆指文王周公卦爻辭言也。若繫辭上下傳。則是孔子統論一經之卦爻大體凡例。如論先聖作易之由。則見於包義氏仰觀俯察及易有太極及河圖洛書數章。如論用易之法。則見於大衍之數五十章。與夫卦爻之剛柔象數之變化。三極之道。幽明之故。鬼神之情狀。皆搜抉無隱。若徒有上下經而無繫辭傳。則象數之學不明。理義之微莫顯。易亦竟無以致用於萬世而適乎仁義中正之歸矣。其有稱大傳者。因太史公引天下同歸而殊塗一致而百慮為易大傳。蓋太史公受易揚何何之屬。自著易傳行世。故稱孔子者曰大傳。以別之耳。○雲峯胡氏曰。上下繫各十二章。始皆言易簡。終皆言易在德行。不在言辭。示人學易之要矣。深切

天尊地卑。乾坤定矣。卑高以陳。貴賤位矣。動靜有常。剛柔

斷矣。方以類聚，物以羣分。吉凶生矣。在天成象，在地成形。

變化見矣。

斷丁亂反
見賢遍反

程子曰

天尊地卑，止天下之理得而成位乎其中矣。○

既判貴賤之位分矣。陽動陰靜，各有其常。則剛柔判矣。事有理一作萬事理也。物有形也。事則有類。形則有羣。

善惡分而吉凶生矣。象見於天，形成於地。變化之跡見矣。陰陽之交相摩軋，八方之氣相推盪。雷霆以動之，風雨以潤之。日月運行，寒暑相推，而成造化之功。得乾者成男，得坤者成女。乾當始物，坤當成物。乾坤之道，易簡而已。乾始物之道，易知則可親就而奉順。易從則可取法而成功。親合則可以常久。成事則可以廣大。聖賢德業久大，得易簡之道也。天下之理，易簡而已。有理而後有象，成位在乎中也。

本義

天地者，陰陽形氣之實體。乾坤者，易中純陰純陽。

之卦名也。卑高者。天地萬物上下之位。貴賤者。易中卦
爻上下之位也。動者。陽之常。靜者。陰之常。剛柔者。易中
卦爻陰陽之稱也。方。謂事情所向。言事物善惡各以類
分。而吉凶者。易中卦爻占決之辭也。象者。日月星辰之
屬。形者。山川動植之屬。變化者。易中著策卦爻陰變為
陽。陽化為陰者也。此言聖人作易。因陰陽之實體。為卦
爻之法象。莊周所謂易以道陰陽。此之謂也。

朱子曰。天尊地卑。上

一截。皆說面前道理。下一截。是說易言。聖人做箇易。與
天地準處。如此。如今看面前天地。便是他那乾坤。卑高
便是貴賤。聖人只是見成說。這箇見得易。是準這箇。若
把下面一句說。做未畫之易也。不妨。然聖人是從那有
易後說來。又口。天尊地卑。乾坤定矣。觀天地則見易也。
○問此第一章第一節。蓋言聖人因造化之自然。以作

易曰。論其初。則聖人是因天理之自然。而著之於書。此是後來人說話。又是見天地之實體。而知易之書如此。如見天之尊地之卑。却知得易之所。謂乾坤者如此。如見天之高地之卑。却知得易所分貴賤者如此。又曰。此是因至著之象。以見至微之理。又曰。上句是言造化之實體。以明下句易中之事。○方以類聚。物以類分。故存乎易者。吉有吉說。是亦是言天下事物各以類分。故存乎易者。吉有吉類。凶有凶類。○方以類聚。物以類分。故存乎易者。吉有吉道。善有善之類。惡有惡之類。各以其類而聚也。又曰。方。向也。所向善。則善底人皆來聚。所向惡。則惡底人皆來聚。事物又通天下之物而言。是箇好物事。則所聚者皆不好底物事。也。○在天成象。在地成形。變化見矣。變化是易中陰陽二爻之變化。故又曰。變化者。進退之象也。又曰。貴賤是易之位。剛柔是易之變化。類皆是易。不必專主乾坤二卦而言。又曰。上。是天地之變化。下。是易之變化。○融堂錢氏曰。无畫之易。在太極先有畫之易。自兩儀始。蓋下文所謂貴賤剛柔吉凶變化。自乾坤而始。著非自乾坤而始有也。○雙湖胡氏曰。天尊地卑。陰陽固有自然尊卑之象。然於易上欲見其尊卑處。何者。爲最親切。曰。自

太極生兩儀象卦最可見。太極動而生陽靜而生陰。陽已居先矣。至於陽儀之上。生一陽一陰。先陽固宜也。陰儀上當以陰為主矣。其生一陽一陰。亦以陽居先焉。以至於六畫莫不先陽而後陰。於是首乾終坤。乾不期尊而自尊。坤不期卑而自卑。於此見尊陽卑陰。非聖人之私意。卦畫自然之象。而亦造化自然之位也。○張子曰。不言高卑而曰卑高者。亦有義。高以下為基。亦是人先見卑處。然後見高也。○鶴山魏氏曰。卦畫自下始也。位。六位也。貴賤觀於屯言以貴下賤。訟言以下訟上之類。可見矣。天圓而動。地方而靜。故有常。剛爻。一三五。柔爻。二四六也。斷。因九六之得位失位而斷之也。觀於位。正當也。位不當也。之類。可見矣。○臨川吳氏曰。動靜有常。以天地之用言。天運轉不已。陽常動也。地填巽不移。陰常靜也。剛柔以卦之奇耦。二畫言剛。謂奇畫。柔。謂耦畫。斷。猶判也。剛畫猶陽動之實而一。柔畫猶陰靜之虛而二也。○誠齋楊氏曰。聚散異向。好惡相攻。由是吉凶生焉。○東坡蘇氏曰。方本異也。而以類而聚。此同之生於異也。物羣則其勢不得不分。此異之生於同也。天地一物也。陰陽一氣也。或為象。或為形。所在之不同。故云在者。明其一也。象者。形之精華。發於上者也。形者。象之

體質留於下者也。○盤澗董氏曰：在天成象，在地成形。變化見矣。變化非因形象而後有也。變化流行，非形象則無以見。故因形象而變化之迹可見也。日月星辰象也。山川動植形也。象陽氣所爲形，陰氣所爲然。陽中有陰，陰則日星陽也。月辰陰也。陰中各爲陰陽也。○山陰而川陽，然陰陽又未嘗不相錯而各自爲陰陽也。○涑水司馬氏曰：乾坤定於天地，貴賤陳於尊卑，剛柔斷於動靜，吉凶生於萬物，變化見於形象，皆非聖人爲之也。天地之判，陰陽之交，本自有之，而聖人準之以爲教爾。○勉齋黃氏曰：此言有天地則乾坤貴賤剛柔吉凶變化之理昭然可見。然必有乾坤而後貴賤剛柔吉凶之體始具，有貴賤剛柔吉凶而後變化之用始行。始於乾坤，終於變化，此生生所以不窮。天地所以常久而不已也。○雲峯胡氏曰：朱子曰：此非是因有天地而始定乾坤，乃是觀天地即見易也。蓋乾坤之卦未畫，觀之天尊地卑，乾坤之位已定矣。貴賤之位未齊，觀天地萬物之卑高，卦爻之貴賤已位矣。易未爲剛柔之稱也。天地間陽者常動，可見其爲剛；陰者常靜，可見其爲柔矣。易未有爻位，則未有吉凶之辭也。天地間事事物物，善惡各以其類而分。善者可知其爲吉，惡者可知其爲凶矣。

未有著卦之變化已於此乎見矣。此一節言畫前之易固如是也。

是故剛柔相摩。八卦相盪。

本義 此言易卦之變化也。六十四卦之初。剛柔兩畫而

已。兩相摩而為四。四相摩而為八。八相盪而為六十四

處。朱子曰。繫辭中說是故字。都是喚那卦下文起也。有相連

四卦之初。剛柔兩畫而已。而四而八。八而十六。十

六而三十二。三十二而六十四。皆是自然生生而不已。

而謂之摩盪何也。曰。摩如一物在。一物上面。一片摩旋底意。

思亦如是。相交意思。如今人磨子相似。下面一片不動。上面一片只。管摩旋。推盪不曾住。自兩儀生八卦。四象則老陽。老陰不動。而少陰少陽則交。自四象生八卦。則乾坤震巽。不動。而兌離坎艮則交。自八卦而生六十四卦。皆是从上加去。下體不動。每一卦生八卦。故謂之摩盪。又曰。

摩是兩箇物事相摩。夏盪是圓轉推盪出來。摩是八卦以前事。盪是有那八卦了。團旋推盪那六十四卦出來。漢書所謂盪軍。是圓轉去殺他。磨轉他底意思。○臨川吳氏曰。畫卦之初。以一剛一柔與第二畫之剛柔相磨。而為四象。又以二剛二柔與第三畫之剛柔相磨。而為八卦。八卦既成。則又各以八悔卦盪於一貞卦之上。而為六十四卦也。八卦。

鼓之以雷霆。潤之以風雨。日月運行。一寒一暑。

本義

此變化之成象者。

朱子曰。鼓之以雷霆。以下四句。

前以乾坤貴賤剛柔吉凶變化言。是對待之陰陽。交易之體也。此以摩盪鼓潤運行言。是流行之陰陽。變易之用也。至下文則言乾坤之德。行而繼以人體乾坤者終之。

乾道成男。坤道成女。

本義

此變化之成形者。此兩節又明易之見於實體者。

與上文相發明也

朱子曰。剛柔相摩。八卦相盪。方是說

風雨日月寒暑之變化。皆在這卦中。那成男成女之變化。也在這卦中。見造化關捩子。纔動。那許多物事都出來。易只是模寫他這箇。又曰。鼓之以雷霆。潤之以風雨。此已上是將造化之實體對易中之理。此下便是說易中却有許多物事。○天地父母。分明是一理。乾道成男。坤道成女。則凡天下之男。皆乾之氣。天下之女。皆坤之氣。從這裏便徹上徹下。即是一箇氣都透了。○乾道成男。坤道成女。通人物言之。在動物。如牝馬之類。在植物。亦有男女。如麻有牡麻。及竹有雌雄之類。皆離陰陽。剛柔不得。又曰。豈得男便都無陰。女便都無陽。這般須要錯看。○正蒙云。游氣紛擾。合而成質者。生人物之萬殊。陰陽兩端。循環不窮者。立天地之大義。陰陽循環。如磨。游氣紛擾。如磨中出者。剛柔相摩。八卦相盪。鼓之以雷霆。潤之以風雨。日月運行。一寒一暑。此陰陽循環。立天地之大義也。乾道成男。坤道成女。此游氣紛擾。生人物之萬殊也。○雲峯胡氏曰。剛柔二爻相摩而為八卦。八卦相盪而為六十四。摩與盪。即上文所謂變化而為象者也。六十四卦之中。自有雷霆風雨日月寒暑變化而為象者也。

卦之中自有男女變化而成形者也。此一節畫後之易又如此也。大抵易之未畫卦爻之變化在天地實體中。及其既畫天地萬物之變化又在卦爻實體中。本義兩以實體言。見在天地者即未畫之易。在易者即是已畫之天地。其體皆實而非虛也。

乾知大始。坤作成物。

本義

知猶主也。乾主始物而坤作成之。承上文男女而

言乾坤之理。蓋凡物之屬乎陰陽者莫不如此。大抵陽先陰後。陽施陰受。陽之輕清未形而陰之重濁有迹也。

朱子曰。乾知大始。坤作成物。知者管也。乾管却大始。大始即生物之始。乾始物而坤成之也。○乾知大始。主之意也。如知州知縣。乾為其初。為其萌芽。坤作成物。坤管下面一截。有所作為。○知訓管字。不當解作知見之知。大始未有形。知之所而巳。成物乃流形之時。故有為。○乾只是氣之統體。无所不包。但自其氣之動而言則為。

陽。陽自其氣之靜而言則為陰。所以陽常兼陰。陰不得兼陽。陽大陰小。陽全陰半。陽饒陰乏。而陰必附陽。皆此意也。邵子曰。陽不能獨立。必得陰而後立。故陽以陰為基。陰不能自見。必待陽而後見。故陰以陽為倡。陽知其始。而享其成。陰效其法。而終其勞也。○柴氏中行曰。一氣之動。則自有知覺。而生意所始。乾實為之一。氣既感。則妙合而凝。其形乃著。有作成之意。坤實為之。

乾以易知。坤以簡能。易以

本義 乾健而動。即其所知。便能始物。而无所難。故為以

易而知大始。坤順而靜。凡其所能。皆從乎陽而不自作。

故為以簡而能成物。朱子曰。乾之易。只管上一截事。到

不著做上一截事。只做下面一截。故簡如乾。以易知。坤以簡能。知便是做起頭。能便是做了。觀隤然。確然。亦可見。易簡之理。○乾以易知。乾陽物也。陽剛健。故作為易。成坤以簡能。坤因乾先發。得有頭腦。特因而為之。故簡。

○乾惟行健。其所施爲自是容易。觀造化生長可見。只是這氣一過時。萬物皆生了。可見其易。要生便生。更無凝滯。要做便做。更無等待。非健不能也。又曰。乾德剛健。他做時便通透徹達。攔截障蔽。他不能住。人剛健者亦如此。易知只是說他恁地做時不費力。坤最省事。更無勞攘。只承受。那乾底生將物出來。便見得是能。陰只是一箇順。若不順。如何配陽。而生物。簡只順從而已。○乾以易知。坤以簡能。以上是言乾坤之德。易則易知。以下就人而言。言人兼體乾坤之德也。乾以易知者。乾健不息。惟主於生物。都無許多艱深險阻。故能以易而知。太始。坤順承天。惟以成物。都無許多繁擾。作爲。故能以簡而作成物。大抵陽施陰受。乾之生物。如瓶盛水。其道至易。坤惟承天。以成物。別無作爲。故其理至簡。其在人則無艱阻。而白直。故人易知。順理而不繁擾。故人易從。易知則人皆同心親之。易從則人皆協力而有功矣。○誠齋楊氏曰。自乾知大始至坤以簡能。何謂也。曰。此贊乾坤之功。雖至溥而無際。而乾坤作成萬物。此實至要而不繁也。○潘氏曰。乾主宰大始。坤作成萬物。此乾坤之職也。使爲乾者用力之難。爲坤者用功之繁。則乾坤亦勞矣。惟乾以易知。故主宰大始。不以爲難。惟坤以簡能。故作成

萬物不以爲繁也。○雲峯胡氏曰。本義曰。此承上文男女而言。乾坤之理。蓋物凡陽皆屬乾之男。凡陰皆屬坤之女。一陰一陽。可相有。不可相无。然其理則陽主於始。物。陰不過作成之爾。陽主始物。自然。而然。胡爲是之易也。健故也。陰但從陽。自能成物。胡爲是之簡也。順故也。上兩節論陰陽之形體。兼氣與形而言也。此論陰陽之性情。因氣與形而以理言也。

易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。

本義

人之所爲。如乾之易。則其心明白。而人易知。如坤之簡。則其事要約。而人易從。易知則與之同心者多。故有親。易從則與之協力者衆。故有功。有親則一於內。故可久。有功則兼於外。故可大。德謂得於己者。業謂成於

事者。上言乾坤之德不同。此言人法乾坤之道至此則

可以爲賢矣。

朱子曰。乾以易知。坤以簡能。此易簡在乾。坤易則易知。簡則易從。却是以人事言。兩

箇易字。又自不同。一箇是簡易之易。一箇是難易之易。要之。只是一箇字。但微有毫釐之間。○夫易知底人。人自然去親他。若其中險深不可測。則誰親之。做事不煩碎。人所易從。有人從之。功便可成。若是頭項多。做得事來艱難底。必無人從之。如何得有功。易知而人親附。自然可以長久。易從而有功。則所得爲之事。自然廣大。○易知易從。不必皆指聖人。但易時人自然。易知。簡時人自然。易從。○有親可久。則爲賢人之德。是就存主處言。有便可大。則爲賢人之業。是就做事處言。蓋自乾以易知。下之理得。則與天地參矣。○德者得也。得之於心。謂之德。如得這箇孝。則爲孝之德。業是做得成。頭緒有次第了。不然。泛泛做。只是俗事。更无可守。○問本義曰。知則同心。從則協力。一於內故可久。兼於外故可大。如何。曰。既易知。則人皆可以同心。既易從。則人皆可以協力。一於內故可久者。謂可久是賢人之德。德則得於己者。兼

於外故可大者。謂可大是賢人之業。事業則見於外者。故爾。○可久者。日新而不已。可大者。富有而无疆。有幾多事。今工夫易得。間斷便是不能久。見道理偏滯不開。展便是不能大。須是兩頭齊著力。乃得也。○問可久可大。只說是賢人之德業。楊氏曰。可而已。非其至也。如何。曰。其說亦是。此雖不說是聖人。至成位乎中。則是聖人也。○平庵項氏曰。稱賢人者。明乾坤之德業。人皆可充而至也。若但言聖人。則嫌於必生知安行而後可。而進脩之路絕矣。○雲峯胡氏曰。前三節見得天地間物。有乾坤此一節。見得人心自具一乾坤。人之心如乾之易。則明白易知。同心者衆。故可一於內而爲賢人之德。人之行事如坤之簡。則要約易從。協力者衆。故可兼於外而爲賢人之業。蓋人之心本自明。曰工大。本自與乾坤同體。世之人。往往傾險使人不可近。勞擾使人不可行。持不可持久。不可充拓。卒自爲小人之歸。殊可惜也。本義曰。此言人能法乾坤之道。至此則可以爲賢人矣。蓋爲衆人言也。夫子不敢遽言聖人。姑曰可久可大。姑曰賢人之德業。欲衆人皆可至也。

易簡而天下之理得矣。天下之理得而成位乎其中矣。

本義

成位謂成人之位。其中謂天地之中。至此則體道

之極功。聖人之能事。可以與天地參矣。

朱子曰。易簡理

潔。无許多勞擾。委曲。張子所謂盡人道。並立乎天地以

成三才。則盡人道。非聖人不能也。○柴氏中行曰。人心

一。造乎易簡。而天下之理舉不外此。是理也。三才之道

也。人得之。與天地並立矣。○雲峯胡氏曰。此章首言天

地。問有自然之易。繼言易中有自然之理。者。何也。易也。簡

與易簡。而不外乎自然之理。所謂自然之理。者。何也。易也。簡

也。易簡。而天下之理得。者。聖人理與心會。自然得之者

右第一章

本義 此章以造化之實明作經之理。又言乾坤之

理分見於天地而人兼體之也。

朱子曰。自天尊地卑至變化見矣。是

舉天地事理以明易。自是故以下。却舉易以明天地間事。○雙湖胡氏曰。此章專論伏羲體造化以作易之事。重在乾坤二卦。生八卦。以至六十四卦。蓋先天易首乾終坤。包六十四卦於其中。凡陽皆乾。凡陰皆坤也。末歸結乾坤易簡之德。賢人體之造其極。聖人之能事畢矣。

聖人設卦觀象繫辭焉而明吉凶

程子曰

聖人設卦觀象止吉无不利。○聖人既設卦。觀卦之象而繫之以辭。明其吉凶之理。以剛柔相

推而知變化之道。吉凶之生。由失得也。悔吝者。可憂虞也。進退消長。所以成變化也。剛柔相易而成晝夜。觀晝夜則知剛柔之道矣。三極。上中下也。極。中也。皆其時中也。三才以物言也。三極以位言也。六爻之動。以位為義。乃其序也。得其序則安矣。辭所以明義。玩其辭義。則知其可樂也。觀象玩辭而能通其意。觀變玩占而能順其

時動不違
於天矣

本義 象者物之似也。此言聖人作易觀卦爻之象而繫

以辭也。朱子曰。易當來只是爲卜筮而作。文言彖象却

曰。聖人設卦觀象繫辭焉而明吉凶。不是占筮。如何明

吉凶。○龜山楊氏曰。此總言易之爲書也。○漢上朱氏

剛柔相推而生變化

本義 言卦爻陰陽迭相推盪而陰或變陽陽或化陰。聖

人所以觀象而繫辭。衆人所以因蓍而求卦者也。朱子

中說卦爻多只說剛柔不全就陰陽上說。卦爻是有形

粗者○龜山楊氏曰。此總言爻之變動也。○柴氏中行曰。剛柔之爻推移不常。以發易道變化之理。○雲峯胡氏曰。易之道不外乎辭變象占。吉凶占也。占以辭而明。故曰繫辭焉而明吉凶。剛柔相推象也。變由象而出。故曰剛柔相推而生變化。

是故吉凶者。失得之象也。悔吝者。憂虞之象也。



吉凶悔吝者。易之辭也。得失憂虞者。事之變也。得

則吉。失則凶。憂虞雖未至凶。然已足以致悔而取羞矣。

蓋吉凶相對。而悔吝居其中間。悔自凶而趨吉。吝自吉

而向凶也。故聖人觀卦爻之中。或有此象。則繫之。以此

辭也。朱子曰。悔者將趨於吉而未至於吉。吝者將趨於

吉之漸。吝是凶之端。○吉凶悔吝四者。循環周而復始。悔了便吉。吉了便吝。吝了便凶。凶了又悔。正如生於憂

患死於安樂相似。蓋憂苦患難中必悔。悔便是吉之漸。及至吉了。少間便安。意肆志必至做出不好。可羞吝底事出來。吝便是凶之漸矣。及至凶矣。又却悔。只管循環不已。正如剛柔變化。剛了化。化便是柔。柔了變。變便是剛。亦循環不已。又曰。吉凶悔吝。聖人說得極密。吉過則悔。既悔必吝。吝又復吉。如動而生陽。動極復靜。靜而生陰。靜極復動。悔屬陽。吝屬陰。悔是逞快做出事來了。有錯失處。這便生悔。所以屬陽。吝則是那限限衰衰。不分明底。所以屬陰。亦猶驕是氣盈。吝是氣歉。○節齋蔡氏曰。象者有其彷彿而未形之謂。其辭之吉者。則得之象。可由之而見。其辭之凶者。則失之象。可由之而見。其辭悔吝者。則憂虞之象。可由之而見。憂慮也。虞度也。能慮能度。則可免失而致得矣。此言上文觀象繫辭。明吉凶之義。○括蒼龔氏曰。憂在心。虞在物。在心則方有端。而無患。成悔而已矣。悔者。心每有之而不忘。故積之以成吉。在物則已有形。而可虞。非悔之可及也。故成吝。吝者。口以爲是。文過而不改也。故積之以成凶。

變化者進退之象也。剛柔者晝夜之象也。六爻之動三極

之道也

本義

柔變而趨於剛者退極而進也。剛化而趨於柔者

進極而退也。既變而剛則晝而陽矣。既化而柔則夜而

陰矣。六爻初二為地。三四為人。五上為天。動即變化也。

極至也。三極天地人之至理。三才各一太極也。此明剛

柔相推以生變化。而變化之極復為剛柔。流行於一卦

六爻之間。而占者得因所值以斷吉凶也。

朱子曰。此章首三句是題

目。下面說去大處。吉凶悔吝。自大說去小處。變化剛柔。自小說去大處。吉凶悔吝。說人事。變化剛柔。說卦畫。

從剛柔而為變化。又自變化而為剛柔。所以一箇變化之極者。未到極處時。未成這箇物事。變似那一物。變時

從萌芽變來成枝成葉。化時是那消化了底意思。○變化者。進退之象。是剛柔之未定者。剛柔者。晝夜之象。是

剛柔之已成者。蓋柔變而趨於剛。是退極而進。剛化而趨於柔。是進極而退。既變而剛。則晝而陽。既化而柔。則夜而陰。猶言子午卯酉。卯酉是陰。陽之未定。子午是陰。陽之已定。又如四象之有老少。故此兩句。惟以子午卯酉言之。則明矣。然陽化爲柔。只恁地消縮去。无痕迹。故曰化。陰變爲剛。是其勢浸長。有頭面。故曰變。此亦見陰半陽全。陽先陰後。陽之輕清。无形。而陰之重濁。有迹也。○問本義。解吉凶者。失得之象也。一段。下云。剛柔相推。而生變化。變化之極。復爲剛柔。流行一卦六爻之中。而占者得因其所值。以爲吉凶之決。竊意在天地之中。陰陽變化。无窮。而人始得因其變。以生。生。在卦爻之中。九六變化。无窮。而人始得因其變。以占。吉凶。曰。易自是占其變。若都變了。只一文不變。則反以不變者爲主。或都全不變。則不變者。又反是變也。○吉凶悔吝。變化剛柔四句。皆互換往來。乍讀似不貫穿。細看來。不勝其密。吉凶與悔吝。相貫。悔自凶。而趨吉。進退與晝夜。相貫。進自陰也。趨手陽。退自陽。而趨手陰也。○節齋蔡氏曰。進者息也。退者消也。變化者。爻之動也。剛變化而爲柔。則柔進。剛退之象可見。柔變化而爲剛。則剛進柔退之象可見。此剛柔之質也。剛晝。陽也。柔夜。陰也。故剛用事。則晝之

象可見。柔用事。則夜之象可見。動變易也。極者。太極也。以其變易無常。乃太極之道也。三極。謂三才各具一太極也。變至六爻。則一卦之體具。而三才之道備矣。此言上文剛柔相推而生變化之義。○雲峯胡氏曰。變者。自柔而剛。剛則復化。化者。自剛而柔。柔則復變。便如悔者。自凶而吉。吉則復吝。吝者。自吉而凶。凶則復悔。變化者。剛柔之未定。剛柔者。變化之已成。悔吝者。吉凶之未定。吉凶者。悔吝之已成也。一卦六爻之間。莫不有三才。太極之理。此曰三極。是卦爻已動之後。各具一太極。後曰。易有太極者。則卦爻未生之先。統體一太極也。

樂音洛

是故君子所居而安者。易之序也。所樂而玩者。爻之辭也。

本義

易之序。謂卦爻所著事理當然之次第。玩者。觀之。

詳或問。所居而安者。易之序也。與居則觀其象之居。不詳同。上居字是總就身之所處而言。下居字是靜對動而言。朱子曰。然。○問所居而安者。易之序也。曰。序是次序。謂卦爻之初終。如潛見飛躍。循其序則安。又問所樂。

而玩者文之辭。曰。橫渠謂每讀每有益。所以丁樂。蓋有契於心。則自然樂。○節齋蔡氏曰。序。次序也。自卦言否泰。剥復之類。自爻言潛見飛躍之類。皆序也。知其序之有常。故居其位而安。樂樂其理也。玩。習厭也。辭者。聖人所繫。所以明理。知其理之無窮。故樂而玩。○雲峯胡氏曰。所居而安。是安分。所樂而玩。是窮理。君子安分則窮理愈精。窮理則安分愈固。

是故君子居則觀其象而玩其辭。動則觀其變而玩其占。是以自天祐之。吉无不利。



象辭變已見上。凡單言變者。化在其中。占。謂其所

值吉凶之決也。

朱子曰。居則玩其辭。如潛龍勿用。其理當此時。只是潛晦。不當用。若占得此爻。

凡事便未可做。所謂君子動則觀其變而玩其占。亦當知其理如此。○易有象。八卦六爻。然後有辭。卦爻之辭。筮有變。老陰老陽。然後有占。變爻之辭。象之變也。在理而未形於事者也。辭則各因象而指其吉凶。占則又因

吾之所值之辭而決焉。其示人也。益以詳矣。故君子居而學易。則既觀象矣。又玩辭以考其所處之當否。動而誦筮。則既觀變矣。又玩占以考其所值之吉凶。善而吉者。則行。否而凶者。則止。是以動靜之間。舉无違理。而自天祐之。无不利也。蓋觀者。一見而決。玩者。反復而不舍之辭也。○柴氏中行曰。居者。靜而未涉於事也。動者。涉於事也。居則觀卦之象。而玩其辭。以探其隱。動則觀其剛柔之變。而玩其辭之所占。以求不悖其道。一動一靜。不違天理。則俯仰无愧。心逸日休。德進業長。用无不利。蓋言道之所寓。人當體之也。○節齋蔡氏曰。觀象玩辭。學易也。觀變玩占。用易也。學易則无所不盡其理。用易則唯盡乎一爻之時。居既盡乎天之理。動必合乎天之道。故曰。自天祐之。吉无不利也。○平庵項氏曰。吉凶者。失得之已定者也。其憂虞之初。謂之悔吝。變化者。易之用也。其所以變化者。則剛柔二物而已。故觀吉凶者。必自悔吝始。觀變化者。必自剛柔始。文王觀此四者。而繫之以辭。讀易者。亦當觀此四者。而玩文王之辭。則靜居動作。无不利矣。○雲峯胡氏曰。象與變。有剛柔變化之殊。辭與占。有吉凶悔吝之異。君子居而學易。已窮乎象與辭之理。動而用易。又適乎變與占之宜。動靜无非易。

即无非天。故自天祐之吉无不利。天地間。剛柔變化无
一時閑。人在大化中。吉凶悔吝无一息停。吉一而已。凶
悔吝三焉。故上文示人以吉凶悔吝者。聖人作易
之事。此獨吉而无凶。悔吝者。君子學易之功也。

右第二章



此章言聖人作易君子學易之事

雙湖胡氏曰。此章專

論文王周公繫辭以明伏羲卦象。剛柔變化。吉凶
悔吝。凡三極之道。皆見辭中。而君子學易。必當合
伏羲卦象。文王周公卦爻辭兼得之。
末歸結在卜筮上。以獲自天之祐也。

彖者言乎象者也。爻者言乎變者也。



彖者言乎象者也。止辭也。者各指其所之。○彖
言卦之象。爻隨時之變。因得失而有吉凶。能如

是則无咎。位有貴賤之分。卦兼小大之義。吉凶之道於
辭可見。以悔吝為防。則存意於微小。震懼而得无咎者。
以能悔也。卦有小大。於時之中有小大也。
有小大。則辭之險易殊矣。辭各隨其事也。

本義

彖謂卦辭。文王所作者。爻謂爻辭。周公所作者。象

指全體而言。變指一節而言。

朱子曰。彖辭最好玩味。說得卦中情狀出。彖辭極精。

分明是聖人所作。問彖是總一卦之義。曰。也有別說。底。○爻是兩箇交叉。看來只是交變之義。變謂剛柔相推。

而生者。卦分明似將一片木。畫掛於壁上。所以爲卦耳。

吉凶者言乎其失得也。悔吝者言乎其小疵也。无咎者善

補過也。

本義

此卦爻辭之通例。

或問悔吝者言乎其小疵也。只

曰。悔是漸好。知道是錯了。便有進善之理。悔便到无咎。吝者暗鳴說不出。心下不足。没分曉。然未至有大過。故

曰。小疵。然小疵畢竟是小過。○龜山楊氏曰。吉凶者失得之報。有失則有得。无失則无得矣。悔吝者无大咎也。

言乎小疵而已。无咎者本有咎也。以其善補過。故无咎。○雲峯胡氏曰。前章言卦爻中吉凶悔吝之辭。未嘗及

无咎之辭。此章方及之。大抵不貴无過而貴改過。无咎者善補過也。聖人許人自新之意切矣。○臨川吳氏曰。此承上章正釋二聖人繫辭之旨。彖者文王所繫一卦之辭。因名卦之象而言。即上章所謂設卦觀象也。爻者周公所繫六爻之辭。因揲著之變而言。即上章所謂剛柔相推而生變化也。卦畫之變化而以著策之變言者。蓋著三變得九則剛變而化柔著三變得六則柔變而化剛也。彖辭爻辭或曰吉或曰凶者。以言其事之有得。有失也。辭曰无咎者。以言其事雖未大失而已。有疵也。辭曰无咎者。以善其能補過也。有過當有咎。能補之則不過矣。故得无咎也。

是故列貴賤者存乎位。齊小大者存乎卦。辯吉凶者存乎辭。

本義

位謂六爻之位。齊猶定也。小謂陰。大謂陽。或問上

之位何也。朱子曰。二四則四貴而二賤。五三則五貴而三賤。上初則上貴而初賤。上雖无位。然本是貴重。所謂

貴而无位。高而无民。在人君則為天子。為天子師。在他
人則清高而在物外。不與事者。此所以為貴也。○問
齊小大者存乎卦。龜山曰。陽大陰小。如何。曰。齊如分
之義。泰卦為大。否卦為小。又曰。齊又。不是整齊。如協字
是。分。辨。字。○龜山楊氏曰。天道貴陽而賤陰。陰陽有貴
賤之理。而列貴賤者。必托六位而後明。陽大而陰小。陰
陽有小大之理。而齊小大者。必假卦象而後顯。貴賤者
如以貴下賤。大得民之辭。皆爻位之所列也。小大者。如
小往大來。大往小來之辭。皆卦彖之所齊也。

憂悔吝者存乎介。震无咎者存乎悔。

本義

介謂辨別之端。蓋善惡已動而未形之時也。於此

憂之則不至於悔吝矣。震動也。知悔則有以動其補過

之心而可以无咎矣。

或問。憂悔吝者存乎介。悔吝未至。於吉凶。是乃初萌動。可以向吉凶。

之微處。介又是悔吝之微處。介字如界至。界限之界。是善惡初分界處。於此憂之。則不至悔吝矣。朱子曰。然。○

无咎者本是有咎。善補過則為无咎。震動也。欲動而无咎。當存乎悔爾。○南軒張氏曰。易三百八十四爻。憂悔吝而存乎介者多矣。唯豫之六二。介于石。不終日貞吉。在豫之時。能介而自守者乎。震无咎。而存乎悔者多矣。唯復之初九。不遠復。无祗悔。元吉。在復之初。能悔而改過者乎。○丹陽都氏曰。憂其悔吝者。必思患豫防。而防禍於其始。震而无咎者。必恐懼脩省。而省過於其終。○雲峯胡氏曰。前曰悔吝者。言乎其小疵。此曰憂悔吝者。存乎介。蓋謂當謹於其微。不可以小疵而自恕也。前曰无咎者。善補過。此曰震无咎者。存乎悔。蓋謂欲動其補過之心者。必自悔中來也。悔者天理萌動之機。不悔則人欲沉痼。而不自知也。

是故卦有小大。辭有險易。辭也者。各指其所之。易以



小大。易各隨所向。朱子曰。卦有大小。看來只是

是。如小。如復。如泰。如大有。如夬。之類。盡是好底卦。如睽。如困。如小過。之類。盡是不好底。譬如人光明磊落。底便是。如險。易大卦辭。易小卦辭。險。即此可見。○問卦有大小。辭有

有險。易陽爲大。陰爲小。觀其爻之所向而爲之辭。如休復吉。底辭自是平易。如困于葛藟。底辭自是險。曰：這般處。依約看也。是恁地。自是不曾見得。他底透。只是依衆說。如所謂吉凶者。失得之象。一段。却是徹底見得。聖人當初作易時。意似這處。更移易一字不得。只是其他處不能盡見得如此。所以不能盡見得聖人之心。○張子曰：辭各指其所之。聖人之情也。指之使趨時順利。順性命之理。臻三極之道也。能從則不陷於凶悔矣。○誠齋楊氏曰：讀謙復之辭者。如行夷塗。如逢春陽。如對堯舜周孔。何其氣象之和樂也。其辭夷易。而指人以所之之得。且吉也。讀遯剝之辭者。如涉風濤。如履雪霜。如對桀紂盜跖。何其氣象之凜凜也。其辭艱險。而指人以所之之失。且凶也。○潘氏曰：卦有小有大。隨其消長而分。辭有險有易。因其安危而別。辭者。各指其所向。凶則指其可避之方。吉則指其可趨之方。所以示乎人也。○雲峯胡氏曰：本凶而悔。所之則吉。本吉而吝。所之則凶。○雲峯胡本有過而能悔過者也。其所之之於善而不之於惡。之於吉而不之於凶矣。

右第三章

本義

此章釋卦爻辭之通例

雙湖胡氏曰第一章

有望於賢人之體易第二章論文王周公繫辭而
有望於君子之體易至此三章專論彖爻之辭泛
示夫衆人之用易也意若曰彖辭言象使人知卦
之統體爻辭言變使人知爻之推遷吉凶之辭以
明人事之得失悔吝之辭以明人事之小疵无咎
之辭以明人事之補過此自是一節教人知得失
小疵補過之道也卦者使人知有以小大也論夫
知有貴賤也卦者使人知有以小大也論夫知位者
辨吉凶則失得亦可免矣人知萌動悔心自然之頃
則小疵亦可免矣人知萌動悔心自然之頃憂悔吝
自无過之可補矣此又自是一節教人辨吉凶憂
悔吝震无咎之道至此則失得小疵補過又不足
言矣然後總結之以是故以下之辭謂卦所以有
小大辭所以有險易无非各指夫人之所也三
章之意庶
在此乎

易與天地準故能彌綸天地之道

程子曰

以易與天地準止。故君子之道鮮矣。○聖人作易，綸天地之道，彌綸也。綸理也。綸天地之道，而復仰觀天文，俯察地理，驗之著見之跡，知理與物之幽明之故，在理為幽，成象為明，知幽明之故，知理與物之幽明之故，所以然也。原究其始，要考其終，則可以見死生之理，聚為精氣，散為游魂，聚則為物，散則為變，觀聚散則見鬼神之情狀，萬物始終聚散而已。鬼神之造化之功也。以幽明之故，死生之義，與天地之鬼神之情狀，觀之則可以見天地之道，易之義與天地之道相似，故無差違相似，謂同也。知周乎萬物，而道濟天下，故不過義之所包，知也。其義周盡萬物之理，其道足以濟天下，故無過差。旁行而不流，旁通遠及而不流，失正理，順乎理，樂天也。安其分，知命也。順理安分，故無所憂。安土安所止也。敦乎仁，存乎同也。是以能愛，範圍俗語謂之模量。遺失通晝夜闔闢屈伸之道，而不知其所以然。如此則得天地之妙用，知道德之本源，所以見至神之妙，無有方所。而易之準，道無有形體，道者一陰一陽也。動靜無端，陰陽無始，非知道者孰能識之。動靜相因而成變化，順

繼此道則為善也。成之在人。則謂之性也。在眾則不能識。隨其所知。故仁者謂之仁。知者謂之知。百姓則由之而不知。故君子之道。人鮮克知也。

本義

易書卦爻具有天地之道。與之齊準。彌如彌縫之

彌。有終竟聯合之意。綸有選擇條理之意。朱子曰。易道

準。所以能彌綸之。蓋天地有許多道理。易上都有。故易

能彌綸天地之道。而聖人用之也。彌如封彌之彌。糊合

使無縫罅。綸如絡絲之綸。自有條理。言雖是彌得外面

無縫罅。而中則事事事物物各有條理。彌如大德敦化。綸

如小德川流。彌而非綸。則空踈无物。綸而非彌。則判然

不相干。此二字見得聖人下字甚密也。又曰。天地有未

至處。易却能彌綸得他。又曰。惟其封彌得无縫罅。所以

能徧滿也。○雲峯胡氏曰。此易字指易書而言。書之中

具有天地之道。本自與天地相等。故於天地之道。彌之

則是合萬為一。渾然无欠。綸之則一實萬分。粲然有倫。

此下三節皆聖人用易之書。與此二句相應。

仰以觀於天文。俯以察於地理。是故知幽明之故。原始反終。故知死生之說。精氣爲物。游魂爲變。是故知鬼神之情狀。

程子曰。原始反終。故知死生之說。但窮得。則自始知得。生理。便能要終。知得死理。若不明得。便雖千萬般安排。著亦不濟事。○原始則足。以知其終。反終則足。以知其始。死生之說。如是而已矣。故以春爲始。而原之。其必有冬。以冬爲終。而反之。其必有春。死生者。其與是類也。○有鬼。謂精氣。其死也。歸乎天。消散之意。○鬼是往而不反之義。○問易言。知鬼神情狀。果有。情狀否。曰。有之。又問。既。有。情狀。必有鬼神矣。曰。易說。鬼神。便是造化也。○問。鬼。爲。變。與。原始反終之說。便能知也。須是於原字上用工夫。或曰。游魂爲變。是變化之變否。曰。既是變。則存者亡。堅者腐。更无物也。鬼神之說。只恁說。與賢雖會得。亦信不過。須是自得也。

本義

此窮理之事。以者。聖人以易之書也。易者。陰陽而

已。幽明死生鬼神。皆陰陽之變。天地之道也。天文則有

晝夜上下。地理則有南北高深。原者。推之於前。反者。要

之於後。陰精陽氣聚而成物。神之伸也。魂游魄降散而

為變。鬼之歸也。

朱子曰。觀文察變。以至知鬼神之情狀。皆是言窮理之事。直是要知得許多。然

後謂之窮理。

○仰觀天。俯察地。只是一箇陰陽。聖人看許多般物事。都不出陰陽兩字。便做河圖洛書也。只是

陰陽。○問。仰以觀於天文。俯以察於地理。是故知幽明

之故。本義云。天文則有晝夜上下。地理則有南北高深。如

何。曰。故是幽明之所以然者。晝明夜幽。上明下幽。觀

晝夜之運。日月星辰之上下。日出地上。便明。日入地下。便

是幽。天文有半邊在上面。須有半邊在下面。可見天文幽明之所以然也。南明北幽。高明深幽。觀南北高深。天

地如高屬陽。下屬陰。平坦屬陽。險阻屬陰。東南屬陽。西北屬陰。幽明便是陰陽。○問原始反終。曰。反。只如折轉來。謂推原其始。摺轉來看其終。如回頭之義。是反回來觀其終也。○精。鬼也。耳目之精為鬼。氣。鬼也。口鼻之精為鬼。二者合而成物。精虛鬼降。則氣散。鬼遊而無不之矣。鬼為鬼。鬼為神。禮記有孔子答宰我問正說此理甚詳。禮記宰我曰。吾聞鬼神之名。不知其所謂。子曰。氣也者。神之盛也。鬼也者。鬼之盛也。合鬼與神。教之至也。註。氣。謂虛。吸出入者也。耳目之聰明為鬼。雜書云。鬼人陽神也。鬼人陰神也。亦可取。○問精氣為物。遊。鬼為變。曰。此是兩箇合。一箇離。精氣合。則鬼鬼合。而凝結為物。離。則陽已散。而陰無所歸。故為變。又曰。變是鬼鬼相離。雖獨說遊。鬼而不言鬼。而離鬼之意。自可見矣。又曰。此只是聚散。聚而為物。神也。散而為變。鬼也。神屬陽。鬼屬陰。又錯綜而橫看之。則精為陰。氣為陽。就人身而言。雖是屬陽。然體鬼已屬陰。蓋生之中已帶了箇死底道理。變雖屬陽。然鬼氣上遊。體鬼下降。亦自具陰陽。如言殂落。升也。便是鬼之遊。落即鬼之降。古之祭祀求諸陽。所以求其鬼。求諸陰。所以求其鬼。橫渠說精氣自無而有。遊。鬼自有而無。其說亦分曉。又曰。精氣為物。遊。鬼為變。

此却知鬼神之情狀。鬼氣升於天。體鬼歸於土。神氣上
升。鬼氣下降。不特人也。凡物之枯敗。其香氣騰上。物則
腐於下。推此可見。○死則謂之鬼。鬼生則謂之精。氣。天
地公共底。謂之鬼神。○始終死生。是以循環言。精氣。鬼
神。是以聚散言。其實。只不過陰陽兩端而已。○問。天地之
化。雖生生不窮。然而有聚必有散。有生必有死。能原始
而知其聚而生。則必知其後必散而死。能知其生也得
於氣化之日。初无精神。寄寓於太虛之中。則知其死也。
與氣而俱散。无復更有形象。尚留於冥漠之內。曰。死便
是都散无了。問。遊魂為變。間有為妖孽者。是如何得未
散。曰。遊字是漸漸散。若是為妖孽者。多是不得其死。其
氣未散。故鬱結而成妖孽。若疰羸病死底人。這氣消耗
盡了。方死。豈得更鬱結成妖孽。然不得其死者。久之亦
散。又如其取精多。其用物弘。如伯有者。亦是卒未散也。
○問。精氣為物。陰精陽氣聚而成物。此總言神。遊魂為
變。鬼遊鬼降散而成變。此總言鬼。疑錯綜而言。曰。然。此
所謂人者。鬼神之會也。○張子曰。精氣者。自无而有。游
魂者。自有而无。自无而有。神之情也。自有而无。鬼之情
也。自无而有。故顯而為物。神之狀也。自有而无。故隱而
為變。鬼之狀也。○漢上朱氏曰。陰陽之精。五行之氣。氣

聚爲精。精聚爲物。及其散也。五行陰陽各還其本。故鬼陽反於天。鬼陰歸於地。○誠齋楊氏曰。鬼神無聲無臭。何爲而有狀。狀且無也。何爲而有情。曰。物者。具是形者也。鬼者。使是形者也。鬼止則物存。鬼游則物亡。游者。止之變也。亡者。存之變也。觀其聚散。則鬼神之情狀可知矣。記曰。鬼神之德。其盛矣乎。視之不見。聽之不聞。體物而不可遺。洋洋乎如在其上。如在其左右。此其狀也。易曰。與鬼神合其吉凶。又曰。鬼神害盈而福謙。此其情也。○建安丘氏曰。天文。謂氣之所成。日月星辰之類。以其在上。仰觀則見。地理。謂形之所成。高下流峙之類。以其在下。俯察則知。察者。觀之詳。此曰觀而彼曰察者。天文屬陽。陽明也。明者。易見。故可觀。地理屬陰。陰幽也。幽者。難知。故當察。故所以然也。人於仰觀俯察之中。而求天地所以然之故。則幽明之理可識矣。夫有死必有生。有生必有死。晝夜之常耳。人能推原其始。於未生之前。而反觀其終於已死之後。則始何爲而生。終何爲而死。而死生之理可得而見矣。說。謂原其理也。○雲峯胡氏曰。上文言易具陰陽之理。此言聖人用易以窮陰陽之理。易不曰陽陰而曰陰陽。此所謂幽明死生鬼神。即陰陽之謂也。即天地而知幽明之故。即始終而知死生之說。

即散聚而知鬼神之情
狀皆聖人窮理之事也

與天地相似故不違知周乎萬物而道濟天下故不過
行而不流樂天知命故不憂安土敦乎仁故能愛

知音智知命之

知如字
樂音洛

程子曰樂天知命通上下之言也聖人樂天則不須言
知命知命者知有命而信之者爾不知命無以爲君子
是已命者所以輔義一循於義則何庸斷之以命哉若
夫聖人之知天命則異於此○仁者不憂樂天者也○
仁者在己何憂之有凡不在己逐物在外皆憂也樂天
知命故不憂此之謂也若顏子簞瓢在他人則憂而顏
子獨樂者
仁而已

本義

此聖人盡性之事也天地之道知仁而已知周
萬物者天也道濟天下者地也知且仁則知而不過矣

旁行者行權之知也。不流者守正之仁也。既樂天理而
又知天命。故能无憂。而其知益深。隨處皆安。而无一息
之不仁。故能不忘其濟物之心。而仁益篤。蓋仁者愛之
理。愛者仁之用。故其相為表裏如此。

言聖人之道與天地相似也。○與天地相似。故不違。下
數句是說與天地相似之事。上文易與天地準。下數句
是說易與天地準之事。○與天地相似。是說聖人第一
句泛說。知周乎萬物。至道濟天下。是細密底工夫。知便
直要周乎萬物。无一物之遺。道直要盡濟天下。○知周
乎萬物。便只是知幽明死生鬼神之理。○問程子知周
乎萬物。而道濟天下。故不過。釋之曰。義之所包。知也。文
意如何。曰。程子說易字。皆謂易之書。而言。故其說如此。
似覺未安。蓋易與天地準。故能彌綸天地之道。此固指
書而言。自仰觀俯察以下。須是有人始得。蓋聖人因易
之書。而窮理盡性之事也。○問本義云。知周萬物者。天
也。道濟天下者。地也。是如何。曰。此與後段仁者見謂之天

仁。知者見謂之知。又自不同。此以清濁言。彼以動靜言。知是先知得較虛。故屬之天。道濟天下。則普濟萬物。實惠及民。故屬之地。又言旁行而不流。樂天知命。故不憂。此兩句本皆是知之事。蓋不流便是貞也。不流是本。旁行是應變處。无本則不能應變。能應變而无其本。則流而入變詐矣。細分之。則旁行是知。不流屬仁。其實皆是知之事。對下文安土敦乎仁。故能愛。一句專說仁也。○知周萬物是體。旁行是可與權。乃推行處。樂天知命是自處。三節各說一理。○旁行而不流。此小變而不失其大常。然前後却有故字。又相對。此一句突然。易中自時有恁地處。頗難曉。○問安土敦乎仁。故能愛。曰。此是與上文樂天知命對說。樂天知命是知。崇安土敦仁是禮。卑安是隨所居而安。在在處處皆安。若自家不安。何以能愛。敦只是篤厚。去盡己私。純是天理。更无夾雜。充足盈滿。方有箇敦厚之意。只是仁而又仁。敦厚於仁。故能愛。惟安土敦仁。則其愛自廣。又曰。樂天知命。主知言。是崇德事。安土敦仁。主禮言。是廣業事。又曰。敦是仁體。能愛是及物處。○安土者。隨寓而安也。敦乎仁者。不失其天地生物之心也。安土而敦乎仁。則无適而非仁矣。所以能愛也。仁者樂山之意。於此可見。又曰。安土者。隨所

寓而安。若自擇安處。便只知有己。不知有物也。此厚於仁者之事。故能愛也。又曰。安土敦乎仁。故能愛。聖人說仁。是恁地說。此語說仁最密。○龜山楊氏曰。天地之功大矣。準之者易也。似之者聖人也。易本无體。其準於天地。則如形似之準。均一而无間。聖涉有爲。其似於天地。也。列而爲三。則相似而已。惟相似。故先後天而不違也。○雙湖胡氏曰。與天地相似。故不違。此統論聖人之體段。知周萬物。道濟天下。故不違。此指知仁與天地相似之實處。不過對不違而言。惟其相似。則配合无間。所以不違。惟其周萬物。濟天下。則廣大无外。所以不違。樂天知命。故不憂。即周萬物之知。而似乎天也。安土敦乎仁。故能愛。即道濟天下之仁。而似乎地也。不憂對能愛而言。惟知與天相似。則極其高明矣。隨其所行。泛應曲當。此動而樂天之事也。何憂之有。惟仁與地相似。則極其博厚矣。隨其所處。厚重不遷。此靜而安土之事也。何所不愛之有。此聖人仁知盡性之學。而上下與天地同流者。蓋如此。○雲峯胡氏曰。上文言易與天地準。此言聖人與天地相似。○實諸濟物之仁。則其知不過有行似地。有周物之知。而實諸濟物之仁。則其知不過有行。

權之知。而本諸守正之仁。則其知不流。至於樂天知命。而知之迹已泯。安土敦仁。而仁之心益著。此其知仁所。以與天地相似。而不違。盡性之事也。

範圍天地之化而不過。曲成萬物而不遺。通乎晝夜之道而知。故神无方而易无體。

程子曰。範圍天地之化而不過者。模範出一天地。爾。非在外也。如此曲成萬物。豈有遺哉。○範圍天地之化。天本廓然无窮。但人以目力所及。見其寒暑之序。日月之行。立此規模。以窺測他天地之化。不是天地之化。其體有。如城郭之類。都盛其氣。假使言日升降於三萬里。不可道三萬里外更无物。又如言天地升降於八萬里中。不可道八萬里外更无物。學者要體天地之化。如此言之。甚與天地不相似。其卒必有窒礙。○通乎晝夜之道。而知。晝夜死生之道也。○晝夜死生之道。知生之道。則知死之道。盡事人之道。則盡事鬼之道。死生人鬼。一而二。二而一者也。○冬寒夏暑。陰陽也。所以運動變化者也。神也。神无方。故易无體。

朱子

此聖人至命之事也。範如鑄金之有模。範圍匡郭也。天地之化无窮。而聖人爲之範圍。不使過於中道。所謂裁成者也。通猶兼也。晝夜即幽明生死鬼神之謂。如此然後可見至神之妙。无有方所。易之變化无有形體

也。

朱子曰。天地之化。滔滔无窮。如一爐金。汁鎔化不息。聖人則爲之鑄。瀉成器。使入模範。匡郭不使過於中。

道也。曲成萬物而不遺。此又就事物之分量。形質隨其大小。闊狹長短。方圓。无不各成就。此物之理。无有遺闕。範圍天地。是極其大而言。曲成萬物。是極其小而言。範。範是鑄金作範圍。是圍裏如天地之化。都沒箇遮欄。聖人便將天地之道。一如用範來範成。箇物包裹了。試舉一端。如一歲分四時。節候之類。以此做箇塗轍。更无過差。此特其一耳。問範圍天地之化。而不過。如天之生物。至秋而成。聖人則爲之斂藏。人之生也。欲動情勝。聖人則爲之教化。防範。此皆是範圍。而使之不過之事。否。

无方。聖人盡神易之道。故於天地之化。能範圍之。萬物能曲成之。晝夜之道。能通之。○節齋蔡氏曰。天地之化。兩暘寒燠之類。常雨常暘。化之過也。聖人則能範圍之。而使之不過。一動一植。不得其遂。則為有遺矣。聖人則能委曲成就。而使之不遺。○誠齋楊氏曰。大哉天地之運。日往月來。而為夜。月往日來。而為晝。孰測其所以然哉。聖人乃能通而知之者。蓋往者屈也。來者信也。晝夜者。一日之屈信也。寒暑者。一歲之屈信也。死生者。一世之屈信也。古今者。萬世之屈信也。聖人何以通而知之。用易而已。○龜山楊氏曰。神者。妙萬物而為言。易者。生之謂。天高地下。必有方矣。神則无方。天圓地方。必有體矣。易則无體。无在而无乎不在。无為而无所不為也。○雲峯胡氏曰。上文言彌綸天地之道。此曰範圍曲成。範圍。如大德敦化。即所謂彌綸也。曲成。如小德川流。即所謂綸也。上文言聖人之知。不過此。則聖人能使天地之化。皆不過。上文言幽明知死生。知鬼神。知命。此則通晝夜之道。而知。是豈聞見之知云乎哉。前所謂知者。知所有其故。知有其說。知有其情。狀也。此所知者。則神无方。所有易无形體也。嗚呼。深哉。

則陰陽是道。今日一陰一陽。則是所以循環者。乃道也。一闔一闢。謂之變。亦然。又曰。理則一。而其形者。則謂之器。其不形者。則謂之道。然而道非器。不形。器非道。不立。蓋陰陽亦器也。而所以陰陽者。道也。是以一陰一陽。往來不息。而聖人指是以明道之全體也。此一陰一陽。之謂道之說也。○問。一陰一陽。之謂道。便是太極。程子說。所以一陰一陽。者。道也。○問。一陰一陽。之謂道。曰。以一日言之。則晝陽而夜陰。以一月言之。則望前為陽。望後為陰。以一年言之。則春夏為陽。秋冬為陰。從古至今。倂地衮將去。只是這箇陰陽。是孰使之然哉。乃道也。從此句下文分兩脚。此氣之動。為人為物。渾是一箇道理。故人未生以前。此理本善。所以謂繼之者。善。此則屬陽。氣質既定。為人為物。所以謂成之者。性。此則屬陰。又曰。一陰一陽。此是天地之理。如大哉乾元。萬物資始。乃繼之者。善也。乾道變化。各正性命。此成之者。性也。這一段是說天地生成萬物之意。不是說人性上事。

繼之者。善也。成之者。性也。

程子曰。止於至善。不明乎善。此言善者義理之精微。无
可得名。且以至善目之。繼之者善。此言善却言得輕。但
謂繼斯道者莫非善也。不可謂之惡。○生生之謂易。是
天之所以為道也。天只是以生為道。繼此生理者。即是
善也。善便有一箇元底意思。元者善之長。萬物皆有春
意。便是繼之者善也。成之者性也。成却待萬物自成其
性。須得。

本義

道具於陰而行乎陽。繼言其發也。善謂化育之功。

陽之事也。成言其具也。性謂物之所受。言物生則有性。

而各具是道也。陰之事也。周子程子之書言之備矣。問或

繼之者善。繼則是此理之流行。未賦與在萬物。朱子曰。
如兩箇輪。只管轉流動不已。萬化皆從此出來。某嘗喻
之。如兩片磨。中間一箇磨心。只管推轉不已。穀米四散
撒出來。所以為繼之者善。○程子言動靜无端。陰陽无
始。蓋此亦且從那動處說起。若論那動以前。又有靜靜
以前。又有動。如云一陰一陽之謂道。繼之者善也。這繼

字便是動之頭。若只一闔一闢而无繼。便是合殺了。問繼是動靜之間否。曰。是靜之終。動之始也。○化育流行。未有定質者。爲陽。此繼之者。善。附著成形。不可變易者。爲陰。此成之者。性。大凡已成形後。即漸衰息。以至於盡。所以屬陰。又曰。繼是接續不息之意。成是凝成。有主之意。繼之者。善也。元亨是氣之方行而未著於物也。是一截事。成之者。性也。利貞是氣之方出而未有所成之物也。是下截事。又曰。繼之者。氣之方出而未有所成之物也。善則理之方行而未有所立之名也。陽之屬也。成則物之已成。性則理之已立者也。陰之屬也。問妙合之始。便是繼。乾道成。男坤道成。女便是成。又曰。繼之者。善。便是時便有繼底意。至靜而成。陰方是成。又曰。繼之者。善。便是公共底。成之者。性。便是自家得底。又曰。繼之者。善。如水之流行。成之者。性。如水之止而成潭。○問繼之成之。是道是器。曰。繼之成之。是道。又問孟子只言性善。易却云一陰一陽之謂道。繼之者。善也。成之者。性也。如此則性與善却是二事。曰。一陰一陽是總名。道。繼之者。善。是二氣五行之事。成之者。性。是氣化以後事。○問性固是理。然性之得名。是就人生稟得言之否。曰。繼之者。善也。成之者。性也。這箇理在天地間時。只是善。无有不善。

者。生物得來方始名曰性。只是這箇理。在天則曰命。在人則曰性。○問孔子已說繼善成性。如何人尚未知性。到得孟子方說出。曰。孔子說得細膩。孟子說得踈畧。蓋不曾推原源頭。不曾說上面一截。只是說成之者性也。○節。初齊氏曰。道太極也。陰陽所來之機也。動而生陰。今不先言陽而先言陰。將就所繼而言也。朱子曰。繼者靜之後而動之端也。若靜極之後。不繼之以動。造化便從此合殺了。豈道也哉。一陰一陽。此生生之機。所謂道也。○節。龜山楊氏曰。繼善之者。善無間也。此以天性。無虧也。○節。齋蔡氏曰。繼善陽也。成性陰也。此以天命之序而言陰陽也。然陽之所以為陰也。知者陽也。此以物受之性而言陰陽也。所以為陽者。皆動而無體也。陰之所以為陰者。皆靜而有體也。○建。安丘氏曰。一陰一陽之謂道。是就造化流行上說。成之者性。是就人心稟受上說。繼之者善。是就天所賦人所謂受中。間過接上說。如書帝降之衷。中庸天命之性。所謂降。所謂命。即繼之也。義也。

仁者見之謂之仁。知者見之謂之知。百姓日用而不知。故

君子之道鮮矣

如知音智不知之知

程子曰。一陰一陽之謂道。自然之道也。繼之者善也。出道則有用。元者善之長也。成之者却只是性。各正性命者也。故曰。仁者見之謂之仁。知者見之謂之知。百姓日用而不知。故君子之道鮮矣。如此則亦无始亦无終。亦无因甚有。亦无因甚无。亦无有處有。亦无無處无。這箇義理。仁者又看做仁了也。知者又看做知了也。百姓日用而不知。此所以君子之道鮮矣。此箇義理亦不少。亦不剩。只是人看他不見也。



仁陽知陰。各得是道之一隅。故隨其所見而目為

全體也。日用不知。則莫不飲食。鮮能知味者。又其每下者也。然亦莫不有是道焉。或曰。上章以知屬乎天。仁屬乎地。與此不同。何也。曰。彼以清濁言。此以動靜言。朱子曰。此

章自易與天地準。以下只是言箇陰陽。至仁者見之謂之仁。知者見之謂之知。謂各隨人氣血偏處見。仁亦屬

陽。知亦屬陰。此又分著陰陽。如繼之者善。成之者性。便是於造化流行處分陰陽。此是指人氣稟有偏處。分屬陰陽耳。○萬物各具是性。但氣稟不同。各以其性之所近者窺之。故仁者只見得他發生流動處。便以爲仁。知者只見得他貞靜處。便以爲知。下此一節。初齊氏曰。仁之間習矣。而不察。所以君子之道鮮矣。○節初齊氏曰。仁者見之於已動之後。而識其動而及物之機。故曰仁。知者見之於未動之先。而識其復而幹事之體。故曰知。百姓則又行不著。習不察。而全未有見者也。百姓固未見道。仁者知者亦未見道之全。故曰君子之道鮮矣。君子何道也。一陰一陽之道也。上文所謂天地之情狀。與天地相。有知幽明之故。知死生之說。知鬼神之情狀。與天地相。似之聖人。而後可以用而成位乎其中矣。不然。仁者知者之。其視百姓之日用而不知。亦何以大相遠哉。○建安丘氏曰。此言性成之後。人稟陽之動者爲仁。稟陰之靜者爲知。唯其所稟之各異。是以所見之各偏。仁者見仁。而不見知。故謂其道止於百姓日用。飲食園於斯道之中。而不知有斯道焉。此君子之道所以鮮也。○雲峯胡氏曰。首三句正是夫子言性與天道處。陰陽非道也。一陰又一

陽所以循環而不已者。道也。繼者靜之終。動之始。最可見。一陰又一陽之妙。本義曰。繼言其發。成言其具。蓋在造化者。方發而賦於物。其理无有不善。在人物者。各具是理。以有生則謂之性。其發者。是天命之性。其具者。天命已不能不麗於氣質矣。仁者知者。百姓指氣質而言也。上章說聖人之知仁。知與仁合而為一。此說仁者知者。仁與知者之分。而為二。道无陰陽。本自无滯。仁者之見滯於陽。知者之見滯於陰。百姓則又日由乎陰陽之道。而不知。故君子之道。解道无二道。君子之道。即能深會乎陰陽之道者也。

哉。顯諸仁。藏諸用。鼓萬物而不與聖人同憂。盛德大業至矣。



顯諸仁止。陰陽不測之謂神。○運行之跡。生育之功。顯諸仁也。神妙无方。變化无迹。藏諸用也。

天地不與聖人同憂。天地不宰。聖人有心得也。天地无成。化聖人有心而无為。天地聖人之盛德。大業可謂至矣。富有溥博也。日新无窮也。生生相續。變易而不窮也。乾始物而有象。坤成物而體備。法象著矣。推數可以

知來物。通變不窮。事之理也。天下之有不離乎陰陽。唯神也。莫知其鄉。不測其為剛柔動靜也。○天地之大德曰生。其生可見也。所以生之者用也。故曰顯諸仁。藏諸用。○鼓萬物而不與聖人同憂。聖人也。故不得无憂。天則不為堯存。不為桀亡者也。○天地鼓萬物如此。聖人循天理而欲萬物同之。所以有憂患。○天地以无心。故不憂。聖人致有為之事。故憂。○聖人有不能為之功。天地不宰之功。○此天地與人異處。聖人有不能為之所為處。○鼓動萬物。聖人之神。知則不可名。

本義

顯自內而外也。仁謂造化之功。德之發也。藏自外

而內也。用謂機緘之妙。業之本也。程子曰。天地无心而

成化。聖人有心而无為。

朱子曰。顯諸仁。是元亨誠之通。藏諸用。是利貞誠之復。又曰。顯

諸仁。是用底跡。藏諸用。是仁底心。顯諸仁。千頭萬緒。藏諸用。處。藏諸用。是流行發見底物。顯諸仁。是繼之者善也。只是箇物事作顯諸仁底骨子。顯諸仁。是繼之者善也。藏諸用。是成之者性也。天下萬物萬事。其粲然發見

處皆是顯然者。然一事自是一事。一物自成一物。便是用藏在這裏。如元亨利貞。元亨是流行處。利貞是流行底骨子。流行箇甚麼。只是流行這貞而已。此顯諸仁似諸用之謂也。又曰。顯諸仁似恕。藏諸用似忠。顯諸仁似貫。藏諸用似一。顯諸仁如惻隱。藏諸用似仁也。只是惻隱羞惡。辭遜是非。顯諸仁也。仁義禮智。藏諸用也。只是這一箇惻隱。隨事發見。及至成那事時。一事各成一仁。此便是藏諸用。其發用時。在這道理中發去。及至成這事時。又不只是這箇道理。此便是業。業是事之已成處。鼓萬物而不與聖人同憂。此正是顯諸仁。藏諸用底時節。盛德大業。便是顯諸仁。藏諸用成處。又曰。顯諸仁易說。藏諸用極微難說。這用字如橫渠說。一故神。神字用字一樣。顯諸仁如春生夏長。發生彰露可見者。藏諸用是所以生長者。藏在裏面而不可見。又這箇有作先後說處。如元亨利貞之類。有作表裏說處。便是這裏。○顯諸仁德之所以盛。藏諸用業之所以成。譬如一樹一根。生許多枝葉花實。此是顯諸仁處。及至結實一枝成一箇種子。此是藏諸用處。生生不已。所謂日新也。萬物无一箇不具此理。所謂富有也。又曰。如此一穗禾。其始只用一箇母子。少間成穀。

一箇各自成得。一箇將去種植。一箇又自成。一穗又開枝開葉去。所以下文謂富有之謂大業。○天地造化是自然。聖人雖生知安行。然畢竟是有心去做。所以說不與聖人同憂。明道二語最好。天地无心而成化。聖人有物。亦何嘗有心來。○盛德大業至矣哉。是贊歎上面顯諸仁藏諸用。又曰。盛德大業至矣哉。只是說易之理。非指聖人而言。○誠齋楊氏曰。聖人之與天地。可同者。顯仁藏用之德業也。不可同者。天地鼓萬物而不與聖人同其憂。蓋聖人有心。則有憂。天地无心。則无憂矣。○或問勉齋黃氏曰。本義云。顯自內而外。藏自外而內。竊疑造化之功。固有自內而外。機緘之妙。何以見其自外而內。曰。仁本是內。以其發出在外。故謂之自內而外。用本是外。以其收藏歸內。故謂之自外而內。如春夏之生長。萬物便是顯諸仁。至秋冬則收斂成實。便是藏諸用。春夏是顯。秋冬是藏。二字與中庸費隱相似。顯在費中。費雲峯胡氏曰。顯藏二字。與中庸費隱相似。顯在費中。費之外。他无所謂隱。藏在中。顯之外。他无所謂藏。蓋顯諸仁。是用之迹。而盛德之所以行。藏諸用。即仁之心。而

富有之謂大業日新之謂盛德

大業之所以立。顯諸仁是發生可見者。藏諸用是所以發生者。即藏於中而不可見。本義上文曰善謂化育之功。此則曰仁謂造化之功。見得繼之者善。即是造化顯諸仁處。善者天地賦予萬物之理。仁者天地生生萬物之心。人得天地之心以爲心。即謂之仁而善之本也。上章言在聖人者則曰仁與知。此言在造化者則曰仁與用。發於造化者爲仁。而所以發者爲用。發於聖人者爲仁。而所以發者爲知。用者造化機緘之妙。鼓萬物而無心。知者聖人密用之妙。不能不運天下以心。此造化之所以不與聖人同憂而爲盛德大業之至也。

本義

張子曰富有者大而无外日新者久而无窮。朱子

說箇富有方始說日新。此與說宇宙相似。先是有這物事了。方始相連相續去。○富有之謂大業。言萬物萬事无非得此理。所謂富有也。日新是只管運用流行生生不已。富有之謂大業。以人言之。須是天下事无不理會方得。若纔工夫不到。業无由大。少間措置事業。便有欠缺。此便有病。○節齋蔡氏曰。富有廣大不禦。日新悠久。

无疆。天高地下。萬物散殊。其富有之謂歟。陰陽升降。變化不窮。其日新之謂歟。○西山真氏曰。此雖言易之理。然易也。天地也。聖人也。一而已矣。生物无窮。天地之大業也。運行不息。天地之盛德也。功及萬世。聖人之大業也。終始日新。聖人之盛德也。學者有志於進德脩業者。亦必以天地聖人爲法。蓋非富有不可以言大業。非日新不可以言盛德也。

生生之謂易

程子曰。所以謂萬物一體者。皆有此理。只爲從那裏來。生生之謂易。生則一時生皆完。此理人則能推。物則氣昏推不得。不可謂他物不與有也。○生生之謂易。生生之用則神也。○天地陰陽其勢高下甚相背。然必相須而爲用也。有陰便有陽。有一便有二。纔有一二便有三一。二之間便是三。已往便无窮。老子亦言三生萬物。此是生生之謂易。理自然如此。維天之命。於穆不已。自是理自相續不已。非是人爲之。如便可爲。雖使百萬般安排。也須是有息時。只爲无爲。故不息。中庸言不見而章。不動而變。无爲而成。天地之道。可一言而盡也。

本義 陰生陽陽生陰其變無窮理與書皆然也

程氏鉅

生之謂易。剥初盡而復已生。生生不息。靡有間絕。象辭變占。雖其別有四。生生之理。則一而已。外此二字。不足以知易。○雲峯胡氏曰。富有者。无物不有。而无一毫之虧欠。日新者。无時不然而无一息之間斷。藏而愈有。則顯而愈新。此即所以爲生生之易。

成象之謂乾。效法之謂坤

本義

效皇也。法。謂造化之詳密。而可見者。

朱子曰。既說盛德大業。又

說他只管恁地生去。所以接之以生生之謂易。是漸說入易上去。乾只略成一箇形象。坤便都呈見出許多法來。到坤處都細了。萬法一齊出見。成象之謂乾。此造化方有些顯露處。效法之謂坤。以法言之。則大段詳密矣。效字難看。如效順。效忠。效力之效。有陳獻底意思。乾坤只是理。理本无心。自人而觀。猶必待乾之成象。而後坤能效法。然理自如此。本无相待。且如四時。亦只是自然迭運。春夏生物。初不道要秋冬成之。秋冬成物。又不道

成就春夏之所生。皆是理之所必然者爾。又曰。凡屬陽底。便是只有箇象而已。象是方做未成形之意。已成形便屬陰。成象。謂如日月星辰在天。亦无箇實形。只是箇懸象如此。乾便略。坤便詳。法是有一成已定之物。可以形狀見者。如條法亦是實有已成之法。○節齋蔡氏曰。易者變易而不窮。故曰生生。象者法之未定。法者象之已形。乾主氣。故曰成象。坤主形。故曰效法。乾坤成。而易則肇乎先者也。

極數知來之謂占。通變之謂事。

本義 占筮也。事之未定者。屬乎陽也。事行事也。占之已

決者。屬乎陰也。極數知來。所以通事之變。張忠定公言

公事有陰陽。意蓋如此。

朱子曰。占出這事。人便依他這箇做。便是通變之謂事。看來聖

人說到至處。便說在占上去。則此書分明是要做占用矣。○張乖崖說公事未判時屬陽。已判後屬陰。便是此意。公事未判。生殺輕重都未定。今已判了。更不可易。○自富有至效法。是說其理如此。用處却在那極數知來。

與通變謂事上面。蓋說上面許多道理。要做這般用。○
漢上朱氏曰。天數二十有五。地數三十。極天地之數而
吉凶可以前知。此之謂占。○建安丘氏曰。數者數也。變
卦變也。物莫逃乎數。故極占數可以知來物。事行事也。
即所占卦變而通之也。

陰陽不測之謂神

程子曰。日新之謂盛德。生生之謂易。陰陽不測之謂神。
要思而得之。○問明道提此三句。是如何。朱子曰。此三
句也是緊要。須是看本文方得。



張子曰。兩在。故不測。

朱子曰。陰陽不測之謂神。是
總結這一段。不測者。是在這

裏。又在那裏。便是這一箇物事。走來走去。無處不在。六
十四卦都說了。這又說三百八十四爻。許多變化。都只
是這一箇物事。周流其間。○問德是得於己。底業是發
出來底。德便是本。生生之謂易。便是體。成象謂乾。效法
謂坤。便只是裏面交錯底。曰。乾坤其易之緼。易是一
乾坤是裏面往來底。聖人作易。便是如此。又問陰陽不

測之謂神。便是妙用處。曰。便是包括許多道理。橫渠說
得極好。一故神。橫渠親註云。兩在故不測。只是這一物。
却周行事物之間。如所謂陰陽屈信往來上下以至行
乎什百千萬之中。无非這一箇物事。所謂兩在故不測。
○建安丘氏曰。上章言易无體。此言生生之謂易。唯其
生生所以无體。上章言神无方。此言陰陽不測之謂神。
唯其不測。所以无方。言易而以乾坤繼之。乾坤毀則无
以見易也。言神而以占事先之。占事則神所託而顯者
也。神易用而變化无窮。其實則不越乎陰陽兩端而已。

右第五章

本義

此章言道之體用不外乎陰陽而其所以然

者則未嘗倚於陰陽也

雙湖胡氏曰。此章專論陰陽之道在造化與易書。其

在造化者。生而為人則自繼善成性之後而有仁
知百姓之分。生而為物則自顯仁藏用之後而有
鼓萬物之妙。君子之道鮮聖人所憂也。造化不預
焉。而自極其德業富有日新之至。其在易書者。自

生儀象以至生卦。成象而為乾。陽之為也。效法而為坤。陰之為也。此陰陽之在卦者。極七八九六之數。而占以知來。通陰陽老少之變。而因以作事。此陰陽之在著者。故首之以一陰一陽之謂道。終之以陰陽不測之謂神。其體則謂之道。其用則謂之神。在造化以體言也。在易書以用言也。聖人其殆假易書之陰陽。所以洗其憂世之心。望天下為君子之歸。而成造化所不及之能者歟。○雲峯胡氏曰。此章當分作三截看。第一節。繼善屬陽。成性屬陰。仁屬陽。知屬陰。第三節。成象微而略。可見屬陽。效法詳密而皆可見屬陰。占者事之未定。屬陽。事者占之已決。屬陰。皆分說陰陽。故始之以一陰一陽。之謂道。結之以陰陽不測之謂神。本義引張子之言曰。兩在故不測。一陰而又一陽。即所謂兩在也。第二節。顯諸仁。藏諸用。總說一陰一陽。不測之妙。蓋天以一陰一陽化生萬物。故謂之顯諸仁。所以一陰一陽化生萬物者。即藏於其中。故謂之藏諸用。道之用不可窮。用之神不可測。聖人拈出一用字。見得造化有造化之用。人事有人事之用。百姓用而不知。學易者當知之以有用也。

夫易廣矣大矣以言乎遠則不禦以言乎邇則靜而正以

言乎天地之間則備矣

夫音扶下同

程子曰

夫易廣矣大矣止易簡之善配至德○易道廣大推遠則無窮近言則安靜而正天地之間萬

物之理無有不同乾靜也專動也直專專一也直直易也唯其專直故其生物之功大坤靜翕動闢坤體動則開應乾開闢而廣生萬物廣大天地之功也變通四時之運也一陰一陽日月之行也乾坤易簡之功乃至善也之德也

本義

不禦言無盡靜而正言即物而理存備言無所不

有

朱子曰以言乎遠則不禦以言乎邇則靜而正無大無小無物不包然當體便各具此道理所謂靜而

正者須著工夫看未動時便都有此道理都是真實所以下箇正字靜而正謂觸處皆見有此道理不待安排措置雖至小至近至鄙至陋之事無不見有隨處皆足無所欠闕只觀之人身便見○節齋蔡氏曰正不偏備

偏也。言乎遠。其理不以遠而窮。言乎邇。其理不以邇而備。言乎天地之間。不以事物之多而不備。○雲峯胡氏曰。前章易與天地準。讚易之書也。此章廣矣大矣。讚易之理也。以言乎遠。則不禦。語大。天下莫能載也。以言乎邇。則靜而正。語小。天下莫能破也。本義以為即物而理存者。蓋言此理非特動時可見。即眼前事物觀之。未動時亦无非此真實之理也。以言乎天地之間。唯萬物此理无物不有也。

夫乾其靜也專。其動也直。是以大生焉。夫坤其靜也翕。其

動也闢。是以廣生焉。翕虛級反。闢婢亦反。

程子曰。乾陽也。不動則不剛。其靜也專。其動也直。不專一則不能直。遂坤陰也。不靜則不柔。其靜也翕。其動也闢。不翕聚則不能發散。

本義 乾坤各有動靜。於其四德見之。靜體而動用。靜別

而動交也。乾一而實。故以質言。而曰大。坤二而虛。故以

量言而曰廣蓋天之形雖包於地之外而其氣常行乎地之中也。易之所以廣大者以此。而朱子曰。乾靜專動直。而廣生。這說陰陽體性如此。卦畫也。髣髴似恁地。又曰。以乾坤二卦觀之。亦可見。乾畫奇。便見得其靜也。專其動也。直。坤畫耦。便見得其靜也。翕其動也。闢。○健者乾之性情。如剛強底人。便靜時。亦有箇立作做事底意思。故曰其靜也專。順者坤之性情。如柔順底人。靜時。只有箇收斂而已。故曰其靜也翕。○問本義云。乾一而實。故以質言。而曰大。坤二而虛。故以量言。而曰廣。曰此兩句解得極分曉。蓋曰以形言之。則天包地外。地在天之中。所以說天之質大。以理與氣言之。則天之氣却盡在地之中。地盡承受得那天之氣。所以說其量廣。天只是一箇物事。所以說乾一而實。地形雖是堅實。然却虛。天之氣流行乎地之中。皆從地裏面發出來。所以說坤二而虛。天以其包得地。所以說其質之大。地以其容得天之氣。所以說其量之廣。非是說地之形有盡。故以量言也。只是說地盡容得天之氣。所以說其量之廣耳。問乾一畫。

坤兩畫如何。曰。觀乾一而實。坤二而虛之說。可見。乾只是一箇物事。充實徧滿。坤便有開闔。乾氣上來時。坤便開。從兩邊去。如兩扇門相似。正如扇之運風。既之蒸飯。扇既是坤風。與蒸乾之氣也。問陽奇陰偶。就天地之實形上看。如何見得。曰。大生是渾淪。无所不包。廣生是廣闊。能容受得。那天之氣。專直則只是一物。直去。翕闔則是兩箇。翕則合。闔則開。此奇偶之形也。又曰。地到冬間。都翕聚不開。至春則天氣入地。地氣開以迎之。又曰。大抵陰是兩件。如陰爻兩畫。闔是兩開去。翕是兩合。如地皮上生出物來。地皮須開。今天固包著地。然天之氣却貫在地中。地却虛有以受天之氣。下文大生廣生云者。大是一箇大底物事。廣便容受得許多物事。大字實。廣字虛。又曰。地却是有空闕處。天却四方上下都周匝无空闕。徧塞滿皆是天。地之四向底下却靠著那天。天包地。其氣无不通。恁地看來。渾只是天了。氣却從地中迸出。又見地廣處。橫渠云。地對天。不過。○潛室陳氏曰。專直翕闔。此當以卦畫論。卦畫始生。唯乾之一奇。未有他物。此其體也。其專也。已而纔動。則直遂而生。生不已。卦畫既生。乾之諸卦。以次呈露。獨坤居後。包在乾諸卦之裏。而猶未露。此其體也。其翕也。至其動也。則坤之諸卦。

始從乾諸卦裏開闢出來。遂分了乾之一半。○雲峯胡氏曰。本義云。乾坤各有動靜。於其四德見之。蓋元亨者動。而乾坤之用以行。利貞者靜。而乾坤之體以立。靜而別。乾以剛健為貞。坤以柔順為貞也。動而交。乾元為氣之始。而坤元則承之以為形之始也。乾唯健。故一以施。坤唯順。故兩而承。靜專。一者之存。動直。一者之達。靜翕。兩者之合。動闢。兩者之分。一之達。所以行乎坤之兩。故以質言而曰大。兩之分。所以承乎乾之一。故以量言而

曰廣

廣大配天地。變通配四時。陰陽之義配日月。易簡之善配至德。

本義

易之廣大變通與其所言陰陽之說。易簡之德配

之天道人事則如此。

朱子曰。大槩上面幾句是虛說底。這箇配天地四時日月至德。是說

他實處。○廣大配天地。變通配四時。陰陽之義配日月。以易配天。易簡之善配至德。以易配人之至德。此是以

易中之理。取外面一事來對。謂易之廣大。故可配天地。易之變通。如老陽變陰。老陰變陽。往來變化。故可配四時。陰陽之義。便是日月相似。易簡之善。便是相似之意。且如德。○問這配字。莫是日月相似。易簡之善。便是相似之意。且如變通。配四時。四時如何配合。四時自是流行不息。所謂變通者。如此。易簡之善。配至德。至德亦如何配合。易簡是當行之理。至德是自家所得者。又曰。欲見其廣大。則於天地乎。道理如人心之至德也。又曰。欲見其廣大。則於天地乎。觀之。欲見其變通。則於四時乎。觀之。欲知其陰陽之義。則觀於日月可見。欲知簡易。則觀於聖人之至德可見。○南軒張氏曰。乾之大生。以資其始。坤之廣生。以流其形。此廣大配天地也。闔闢往來。終則有始。此變通配四時也。復言七日。以陽生為義。臨言八月。以陰長為戒。此陰陽之義。配日月也。中庸之德。中人以上。可俯而就。此易知也。中人以下。可跂而及。此易從也。故曰。易簡之善。配至德。

右第六章

誠齋楊氏曰。此章聖人所以贊易之道。其極至於廣大之二言。其原生於乾坤之二

卦也。○平庵項氏曰。夫易廣矣大矣。此章之總目也。遠而不禦。即直與闢也。邇而靜正。即專與翕也。

天地之間備矣。即大生廣生也。易之為道。一與兩而已。乾即一也。靜而守一。則其事專而无不閉。動而用一。則其行直而无不開。此乾所以為萬物之父。坤即兩也。兩閉者為翕。言與乾俱閉也。兩開者為闢。言與乾俱開也。此坤所以為萬物之母。大者无不統也。廣者无不承也。自廣大而至易簡。其言之序自博而趨約也。天地之間至大者天地。至變者四時。至精者日月。至善者至德。易之書具此四者。豈不謂之備乎。○雲峯胡氏曰。首章論乾坤之尊卑。結之以易簡。而理得此章論乾坤之廣大。結之以易簡。配至德。然則易固不徒在乾坤。而自在於吾之心中矣。

子曰。易其至矣乎。夫易。聖人所以崇德而廣業也。知崇禮卑。崇效天。卑法地。

知音

程子曰

子曰。易其至矣乎。止道義之門。○易之道。其至矣乎。聖人以易之道。崇大其德業也。知則崇高。禮則卑下。高卑順理。合天地之道也。高卑之位。設則易在其中矣。斯理也。成之在人。則為性。成之者。性也。人心

存乎此理之所存
乃道義之門也



十翼皆夫子所作不應自著子曰字疑皆後人所

加也窮理則知崇如天而德崇循理則禮卑如地而業

廣此其取類又以清濁言也

朱子曰知崇禮卑這是兩

卑是須就切實處行若知不高則識見淺陋若履不切則所行不實知識高便是象天所行實便是法地識見

高於上所行實於下中間便生生而不窮故說易行乎其中成性存存道義之門大學所說格物致知是知崇

之事所說誠意正心脩身是禮卑之事又曰知識貴乎高明踐履貴乎著實知既高明須是放低著實去做又

曰學只是知與禮他這意思却好禮便細密中庸致廣大盡精微等語皆只是說知禮又曰知是知處禮是行

處知儘要高行却自近起又曰知崇天也是致知事要得高明禮卑地也是事事都要踐履過卑便業廣又曰

知崇者德之所以崇禮卑者業之所以廣禮纔有些子不到處這業便有欠闕便不廣了地雖極卑无所欠闕

故廣。又曰。知識日多。則知益高。又曰。這事也。合禮。那事也。合禮。積累多業。便廣。又曰。所謂德言盛。禮言恭。禮便是。要極卑。故无物事。无箇禮。雖於至微至細底事。皆當畏謹戒懼。唯恐失之。這便是禮之卑處。禮儀三百。威儀三千。无非卑底事。然又不是強安排。皆是天理合如此。又曰。禮卑是卑順之意。卑便廣。地卑便廣。高則狹了。人若只揀取高底做便狹。如何會廣。地卑便會廣。世上更无物卑似地底。又曰。禮卑是從貼底謹細處做去。所以能廣。○建安丘氏曰。聖人之知如天之崇。故所行日就於平實。而於高明。而德以崇。禮如地之卑。故所行日就於平實。而業以廣。○潛室陳氏曰。易言知崇。即中庸尊德性致廣大。極高明。底事。易言禮卑。即中庸道問學。盡精微。道中庸。底事。知欲高明。故崇如天。禮欲執守。故卑如地。若一向務高明。而不事著實。則窮賸索幽流於清虛。而无執守。依憑之實地。須是約之以禮。知以虛明為用。屬陽屬天。皆言其輕清也。禮以形氣為質。屬陰屬地。皆言其重濁也。

天地設位而易行乎其中矣。成性存存道義之門。

程子曰。天地設位而易行其中。何不言人行其中。蓋人亦物也。若言神行乎其中。則人只於鬼神上求矣。若言理言誠亦可也。而特言易者。欲使人默識而自得之也。○天地只是設位。易行乎其中者。神也。○天地設位而或幾乎息矣。易是箇甚。易又不只是這一部書。是易之道也。不要將易又是一箇事。只是盡天理便是易也。○成性存存。便是道義之門。○成性存存。道義之門。亦是萬物各有成性。存存亦是生生不已之意。天只是以生爲道。成性存存。道義之門。道无體。義有方也。



天地設位而變化行。猶知禮存性而道義出也。成

性本成之性也。存存謂存而又存不已之意也。

朱子曰。天地設

位而易行乎其中。陰陽升降便是易。易者。陰陽是也。○問。天地設位而易行乎其中矣。成性存存。道義之門。曰。○上文言知崇禮卑。崇效天。卑法地。人崇其智。須是如天之高。卑其禮。須如地之下。天地設位一句。只是引起要說。知崇禮卑。人之知禮能如天地。便能成性存存。道義便自此出。所謂道義便是易也。成性存存。不必專主聖

人而言。○成性。猶言見成底性。這性元自好了。但知宗
禮卑則成性便存存。又曰。成性。成性。是不曾作壞底。存。謂常
在這裏。存之又存。又曰。成性。成性。成之者性。字義同而用異。
成性是已成之性。如言成德。成說之類。成之者性。是成
就之意。如言成己成物之類。問成性存存。是不忘其所
存。曰。衆人多。是說到聖人處。方是性之成。看來不如此。
成性只是一箇渾淪之性。存而不失。便是道義之門。便
是生生不已處。又曰。存存。是生生不已之意。當以伊川
說爲是。又曰。堯舜性之。是其性本渾成。學者學之。須是
以知禮做也。到得他成性處。道義出。謂這裏流出。道體
也。義用也。又曰。性是自家所以得於天底。道義是衆人
公共底。○節齋蔡氏曰。道義之在造化。則謂之易。易之
在人。則謂之道義。位謂有位。可居。門謂有門。可出。存存。
謂存之又存。使之有體。如天地也。故有天地之位。而後
易行。有知禮之門。而後道義出。

右第七章

雙湖胡氏曰。此章贊易道之至。聖人所以

崇廣其德業而參天地也。切意聖人之稱
非泛蓋指作易聖人也。崇德。乾之事。廣業。坤之事。
知崇效天。而乾畫成矣。禮卑法地。而坤畫成矣。天

地設位而易行乎其中。即天尊地卑。乾坤定矣。教義成。性存存。道義之門。聖人盡易。亦无非所以教民。卜筮決嫌疑。定猶豫。俾得以存存。其已成之性。而由乎道義之門耳。夫子之意。或者在此乎。○雲峯胡氏曰。上文言至德。此章因而讚之。曰易其至矣乎。蓋可久可大。賢人之德業。未足為至。至矣哉。富有日新。造化之德業也。至矣乎。知崇禮卑。聖人之德業也。宗德在於知崇。廣業在於禮卑。窮理而其崇如天。乃為崇之至。循理而其卑如地。乃為卑之至。天地之位設而變化行。猶知禮之性存而道義出。知禮之中自有天地。道義之外他無所謂易也。

聖人有以見天下之賾。而擬諸其形容。象其物宜。是故謂之象。



聖人有以見天下之賾。止擬議以成其變化。○賾。深遠也。聖人見天下深遠之事。而比擬其形容。體象其事類。故謂之象。天下之動无窮也。故觀其會通。會通。綱要也。乃以行其典禮。典禮。法度也。物之則也。

繫之。所以斷其吉凶者。爻也。言天下之深遠難知也。而理之所有不可厭也。言天下之動无窮也。而物有其方不可紊也。擬度而設其辭。商議以察其動。擬議以成其變化也。變化。爻之時義。擬議。議而言之也。舉鳴鶴在陰以下。七爻。擬議而言者也。餘爻皆然也。



賁。雜亂也。象卦之象。如說卦所列者。有朱子曰。聖人

之賁。止是故謂之爻。象言卦也。下截言爻也。賁。說文曰。賁。雜亂也。古无此字。只是噴字。今從臣。亦是口之義。與左傳噴有煩言之噴同。是口裏說話多雜亂底意思。所以下文說不可惡。先儒多以賁字為至妙之意。若如此說。何以謂之不可惡者。精粗本末无不盡也。又曰。三百八十四爻。是。多少雜亂。又曰。言天下之至賁而不可惡者。言雖是雜亂。聖人却於雜亂中見其不雜亂之理。便與下句言天下之至動而不可亂之義一般。○聖人有以見天下之賁。正是說畫卦之初。聖人見陰陽變化。便畫出一畫。一畫便有一箇象。只管生去。自不同。六十四卦各是一樣。問擬諸形容者。比度陰陽之形容。蓋聖人見陰陽

變化雜亂。於是比度其形容而象其物。宜是故謂之象。曰。也是如此。嘗得郭子和書云。其先人云。不獨是天地風雷水火山澤。謂之象。只是畫卦便是象也。說得好。○擬諸其形容。未便是說那水火雷風之形容。方擬這卦。看是甚形容。始去象那物之宜而名之。一陽在二陰之下。則象以雷。一陰在二陽之下。則象以風。擬是比度之物。意。○龜山楊氏曰。形容者。乾為圓。坤為大。輿之類是也。非聖人有以見天。下之曠。其孰能擬象之乎。○雲峯胡氏曰。曠字諸家多以為隱奧之義。本義獨依說文曰。曠。雜亂也。蓋傳有曰。探曠索隱。則曠自曠。隱自隱。蓋於陰陽相雜之中而求其隱奧之理耳。聖人見天地之間陰陽相雜。於是擬之。而為六十四卦。姑以乾坤二卦言之。未畫則擬陰陽之形。容而象乾坤之宜。於是為奇偶之畫。畫則象也。已畫又擬乾坤之形容。而取象天地首腹牛馬。以至於為金為玉。為釜為布之類。皆象也。

聖人有以見天下之動。而觀其會通。以行其典禮。繫辭焉。

以斷其吉凶。是故謂之爻。

斷丁
亂反



會謂理之所聚而不可遺處。通謂理之可行而无

所礙處。如庖丁解牛。會則其族而通。則其虛也。

朱子曰。觀會通。

是就事上看理之所聚。與其所當行處。又曰。通便是空處。行得去便是通。會便是四邊合湊來處。又曰。會以物得有所聚而言。通以事之所宜而言。會是眾理聚處。雖覺行爾。謂如庖丁解牛。於族處批大卻。得箇通底道理。乃可筋骨叢聚之所。得其可通之理。故十九年而刃發於矧。且如事理間。若不於會處理會。却只見得一偏。便如何行得通。須是於會處都理會。其間却自有箇通處。便如何脉理相似。到得多處。自然貫通。得所以可行。其典禮蓋會而不通。便窒塞而不可行。通而不會。便不知許多曲直錯雜處。又曰。會是觀眾理之會。通是擇其通者而行。且如有一事關著許多道理。也有父子之倫。也有君臣之倫。也有夫婦之倫。若父子之恩重。則使得身體髮膚受之。父母不敢毀傷之義。而委致其身之說。不可行。若

君臣之義重則當委致其身而不敢毀傷之說不暇顧此之謂觀會通。又曰：一卦之中自有會通。六爻又自各義。乾坤始交而遇險陷，亦屯之義。似草穿地而未伸，亦屯之義。凡此數義皆屯之會聚處。若盤桓利居貞，便是箇合行處。却是他通處也。典禮猶常禮常法。又曰：禮便是節文也。升降揖遜是禮之節文。這禮字又說得闊。凡事物之常理皆是。問觀會通以行典禮。曰：如堯舜揖遜。湯武征伐皆是典禮處。典禮只是常事。○辭謂卦爻之辭。○龜山楊氏曰：爻者陰陽之交也。○柴氏中行曰：聖人默識天下之動，觀其事理之會合通行處。欲常行法度不廢於天下，則繫辭以明其交而斷之。曰：如此則爲吉。如此則爲凶。人知避凶趨吉，則常法不廢之矣。此易所以有爻也。○雲峯胡氏曰：天下之動非特陰陽之運動。凡人之動而行事與夫一念之動皆是也。觀會通以行典禮，不會則於理有遺缺。如之何可通？不通則於理有窒礙。如之何可行？通是時中。典常是庸。如此而行則吉。背此而行則凶。繫辭以明之，故謂之爻。

言天下之至賾而不可惡也。言天下之至動而不可亂也。

惡鳥路反



惡猶厭也

朱子曰言天下之至賾而不可惡也蓋

合有底事自合理會故不可惡言天下之至動而不可
亂也蓋動亦是合有底然上面各自有道理故自不可
亂○天下之至動事若未動時不見得會通是那道理如何
人平不語水平不流須是動方見得會通是會聚處典
禮是借這般字來說只是說道觀他會通處後却求箇
道理來區處他所謂卦爻之動便是法象這箇故曰爻
也者效天下之動者也動亦未便說事之動只是事到
面前自家一念之動要求處置他便說事之動也○厚齋馮
氏曰象之所言如牝馬牝牛匪人女壯棟橈瓶羸之類
若可惡矣然天下之至賾所在而不可惡也爻之所言
如戶庭无咎而門庭則凶弗過遇之而弗遇過之先號
後笑而先笑後號若甚亂矣然天下之至動所關而不
可亂也

擬之而後言議之而後動擬議以成其變化

程子曰。至誠則動。動則變。變則化。故曰擬之而後言。議之而後動。擬議以成其變化也。



觀象玩辭。觀變玩占。而法行之。此下七爻則其例

也。

或問擬之而後言。議之而後動。凡一言一動皆即易而擬議之否。朱子曰。然。○擬議以成其變化。此變化

只就人事說。擬議只是裁度自家言動。使合此理。變易以從道之意。如擬議得是便吉。擬議未善則為凶矣。又

曰。這變化是就人動作處說。如下所舉七爻皆變化也。○平庵項氏曰。學易者擬其所立之象。以出言。則言之

淺深詳略。必各當其理。議其所合之文。以制動。則動之久速仕止。必各當於時。而易之變化成於吾身矣。故曰

以言者尚其辭。以動者尚其變。此之謂也。○雲峯胡氏曰。聖人之於象。擬之而後成。學易者如之何。不擬之而

後言。聖人之於文。必觀會通以行典禮。學易者如之何。不議之而後動。前言變化。易文之變化也。此言成其變

化。學易者之變化也。

鳴鶴在陰。其子和之。我有好爵。吾與爾靡之。子曰。君子居

其室出其言善則千里之外應之況其邇者乎居其室出
其言不善則千里之外違之況其邇者乎言出乎身加乎
民行發乎邇見乎遠言行君子之樞機樞機之發榮辱之
主也言行君子之所以動天地也可不慎乎

和胡卦反靡音縻行下孟

反見賢
遍反



釋中孚九二爻義

朱子曰鳴鶴在陰其子和之我

誠信感通之理夫子却專以言行論之蓋誠信感通莫大於言行問言行君子之樞機是言所發者至近而所應者甚遠否曰樞機便是鳴鶴在陰下面大槩只說這意都不解著我有好爵二句○鳴鶴好爵皆卦中有此象諸爻立象聖人必有所據非是白撰但今不可考耳到孔子方不說象○柴氏中行曰鳴鶴在陰而其子必和情之所欲无物我之問也言之善人皆以為善故應此心之所欲无物我之問也言之善人皆以為善故應

言之不善。天下亦皆以為不善。故違人心之於善惡。豈異其所趨哉。極言行之至。可以動天地。則三才一理。又可見也。○節齋蔡氏曰。萬化不窮。感應二端而已。故夫子取中孚九二之辭。而推廣其理也。居其室。即在陰之義。出其言。即鳴鶴之義。千里之外。應之。即其子和之之義。特主乎人。而為言耳。感應者。心也。言者。心之聲。行者。心之迹。言行。乃感應之樞機也。善者。至善之理也。不善。則悖理矣。人以善而感應。則感應同乎天矣。故曰。動天也。地也。

同人先號咷而後笑。子曰。君子之道。或出或處。或默或語。二人同心。其利斷金。同心之言。其臭如蘭。斷丁管反



釋同人九五爻義。言君子之道。初若不同。而後實

无間。斷金如蘭。言物莫能間。而其言有味也。

朱子曰。同心。利。雖

金石之堅。亦被他斷。決將去。斷是誠齋楊氏曰。君子之先號咷而後笑。聖人却恁地解。○誠齋楊氏曰。君子之

道于其心不于其迹。心同迹異。君子不以迹間心。心異迹同。君子不以心混迹。故同人之先悲後喜與君子之甲出乙處。此默然彼語。皆所不計也。出處同道。則為顯。顯晦同一情語。默然同道。則為直。直蘧卷同一意。心同故也。金石至堅也。然不堅於人心。故二人一心。則石可裂。金可折。薰蕕同器。一童子能辨之。臭味不同故也。取南山之蘭。雜北山之蘭。十黃帝不能分。臭味同故也。○龜山楊氏曰。迹異而心同。不害其為同心。異而迹同。相望為愈遠。金至堅也。而同心者。斷之。蘭至馨也。而同心之言如之。○息齋余氏曰。以出處語。默然發明。號笑之義。聖人讀易不滯於故。而知其新有如此者。○雙湖胡氏曰。二人。九五六二也。先號後笑。先隔後遇也。不取君臣義者。特借文辭論同心之利耳。

初六藉用白茅。无咎。子曰。苟錯諸地而可矣。藉之用茅。何咎之有。慎之至也。夫茅之為物。薄而用可重也。慎斯術也。以往。其无所失矣。

籍在夜反
夫音扶

本義

釋大過初六爻義。節齋蔡氏曰：物之置於地也，亦

凡天下之事，過則有失，唯過於慎則无所失，故无咎。

勞謙君子有終吉。子曰：勞而不伐，有功而不德，厚之至也。語以其功下人者也。德言盛，禮言恭，謙也者，致恭以存其位者也。

本義

釋謙九三爻義。德言盛，禮言恭，言德欲其盛，禮欲

其恭也。

南軒張氏曰：大抵風之不厚，不能負大翼；水之

物耀功而忽人矣。安能以其功而下人乎？切觀地中有山之象，夫德之盛而充實如山焉，禮之恭而接下如地

焉。夫內之德盛而外之禮恭，所以處上而人不忌，處前而人不怨，此謙所以長保其位也。○誠齋楊氏曰：人之

謙與傲，係其德之厚與薄。德厚者无盈色，德薄者无卑辭。如鐘磬焉，愈厚者聲愈緩，薄者反是。故有勞有功而

不伐不德。唯至厚者能之。
其德愈盛。則其禮愈恭矣。

亢龍有悔。子曰。貴而无位。高而无民。賢人在下位而无輔。
是以動而有悔也。

本義

釋乾上九爻義。當屬文言。此蓋重出。

不出戶庭。无咎。子曰。亂之所生也。則言語以為階。君不密。
則失臣。臣不密則失身。幾事不密則害成。是以君子慎密。
而不出也。幾音機

本義

釋節初九爻義。

節齋蔡氏曰。不言。則是非不形。人招禍。唯言為甚。故言所當節也。

密於言語。即不出戶庭之義。兌有言象。故於節之初爻。
重明之。○建安丘氏曰。爻義主出處之節而言。此兼及
於言語之節者。節下卦兌。兌為口舌。亦其象也。蓋口舌
乃人一身之門戶。一語不謹。則失臣失身。殃禍立至。此

尤君子之所重也。故夫子因明謹行而又推之謹言也。
○誠齋楊氏曰。唐高宗告武后以上官儀教我廢汝。此
君不密而失臣也。陳蕃乞宣臣章
以示宦者。此臣不密而失身也。

子曰。作易者其知盜乎。易曰。負且乘。致寇至。負也者。小人
之事也。乘也者。君子之器也。小人而乘君子之器。盜思奪
之矣。上慢下暴。盜思伐之矣。慢藏誨盜。冶容誨淫。易曰。負
且乘。致寇至。盜之招也。

本義

釋解六三爻義

朱子曰。六居三。大率少有好底。負

人乘君子之器。底象。故又於此發出這箇道理來。○柴
氏中行曰。六三以不正小人據非其位。故有此象。人據
非其義之所當有。則啓謀利者攘奪之心。作易者明義
利之分。故於六三之小人居有德之位。知其必有盜乘
其後而奪之。天下之大盜。未有不乘隙而動也。○誠齋楊氏
司馬氏曰。上慢下暴。慢其上而暴其下也。○誠齋楊氏

曰。司馬氏安能盜魏。曹操教之也。蕭衍安能盜齊。蕭道成教之也。蓋盜非能盜。小人之有也。小人實教盜以盜己之有也。所謂知盜。非知奪伐之盜也。知教奪伐者之盜也。故又終之曰。誨盜曰盜之招者。以此。

右第八章




此章言卦爻之用

至節齋蔡氏曰。自中孚初爻

為三百八十四爻之凡例也。爻之有義。非辭不明。而天下之事。變化無窮。又豈辭之所能備哉。苟玩之者。拘而不通。則一爻不過一事而已。擬議以成其變化。其所以示人者。詳矣。然夫子之辭。特發其端耳。學易者。當玩而有得也。○平庵項氏曰。七爻皆欲人畏謹也。鳴鶴言處隱之誠。同人言同心之一。白茅貴慎。有終尚謙。亢龍惡亢。戶庭以教。密負。乘。以戒慢。皆所以養人之敬心也。○雲峯胡氏曰。夫子於乾坤皆有文。言以申彖傳象傳之意。其餘彖傳蓋亦有之。如履與豫。釋卦辭已畢。復曰。剛中。正履帝位而不疚。光明也。天地以順動。故日月不過。而四時不忒。聖人以順動。則刑罰清而民服。豫

之時義大矣哉。此類皆是也。然則繫辭此數卦。即象傳之文言也。善學易者。可以觸類而通其餘矣。

天一。地二。天三。地四。天五。地六。天七。地八。天九。地十。



自天一至地十。合在天數五。地數五上。簡編失其次也。天一。生數。地六。成數。纔有上五者。便有

下五者。二五合而成陰陽之功。萬物變化鬼神之用也。



此簡本在第十章之首。程子曰。宜在此。今從之。此

言天地之數。陽奇陰偶。即所謂河圖者也。其位一六居下。二七居上。三八居左。四九居右。五十居中。就此章而言之。則中五為衍母。次十為衍子。次一二三四為四象之位。次六七八九為四象之數。二老位於西北。二少位於東南。其數則各以其類交錯於外也。

朱子曰。自大衍之數五十至再

劫而後掛。便接乾之策二百一十有六。至可與祐神矣。
爲一節。是論大衍之數。自天一至地十。却連天數五。至
而行鬼神也。爲一節。是論河圖五十五之數。今其文間
斷差錯。不相連接。舛誤甚明。○卦雖八。而數須十者。八
是陰。陽數十。是五行數一。陰一。陽便是二。以二乘二。便
是四。以四乘四。便是八。五行本只是五。而有是十者。蓋
一箇便包兩箇。如木便包甲乙。火便包丙丁。土便包戊
己。金便包庚辛。水便包壬癸。所以爲十。○南軒張氏曰。
陽數奇。一三五七九。是也。陰數偶。二四六八十。是也。故
生於天者。成於地。生於地者。成於天。而天地五十五之
數。所以成變化行鬼神。○東坡蘇氏曰。水至陰也。必待
天一加之。而後生者。陰不得陽。則終不得而成也。火至
陽也。必待地二加之。而後生者。陽不得陰。則無所得而
見也。五行皆然。莫不生于陰陽之相加。陽加陰。則爲水。
爲木。爲土。陰加陽。則爲火。爲金。苟不相加。則雖有陰陽
之資。而無五行之用。○節齋蔡氏曰。天地者。陰陽對待
之定體也。一至十者。陰陽流行之次序也。然對待非流
行。則不能變化。流行非對待。則不能自行。而五十五者。
則流行之細分也。○辛庵項氏曰。姚大老云。天一至地
十。班固律歷志及衛元嵩元包運蓍篇。皆在天數五之

上程朱皆用此說。今從之為是。

天數五。地數五。五位相得而各有合。天數二十有五。地數三十。凡天地之數五十有五。此所以成變化而行鬼神也。

程子曰

有理則有氣。有氣則有數。行鬼神者。數也。數。氣

之。而成十。大衍之。則為五十。五十。數之成也。成則不動。故損一。以為用。天地之數五十有五。成變化而行鬼神者。也。變化言功。鬼神言用。○南軒張氏曰。天地自然之數。盈虛消息往來不停。變化雖妙。而數有以成之。若月令所謂鳩化為鷹。雀化為鴿。草木乃茂。草木黃落。可以曆數。推而迎之。此天地之數有以成其變化也。鬼神雖幽。而數有以行之。此若其神勾芒。其神祝融。其神蓐收。其神玄冥。各司其時。各治其職者。此天地之數有以行乎鬼神也。

本義

此簡本在大衍之後。今按宜在此。天數五者。一三

五七九皆奇也。地數五者。二四六八十皆偶也。相得謂一與二。三與四。五與六。七與八。九與十。各以奇偶爲類。而自相得。有合。謂一與六。二與七。三與八。四與九。五與十。皆兩相合。二十有五者。五奇之積也。三十者。五偶之積也。變化謂一變生水而六化成之。二化生火而七變成之。三變生木而八化成之。四化生金而九變成之。五變生土而十化成之。鬼神謂凡奇偶生成之屈伸往來者。朱子曰。五位相得而各有合。是兩箇意。一與二。三與四。五與六。七與八。九與十。是奇偶以類相得。一與六。二與七。三與八。四與九。五與十。是各有合。在十干。甲乙木。丙丁火。戊己土。庚辛金。壬癸水。便是相得。甲與己合。乙與庚合。丙與辛合。丁與壬合。戊與癸合。是各有合。所以成變化而行鬼神也。程子曰。變化言。

功鬼神言用。張子曰。成行鬼神之氣而已。數只是氣。變化鬼神亦只是氣。天地之數五十有五。變化鬼神皆不越於其間。○潘氏曰。洛書之數。天地自然之數也。以天之一三五七九。總之則為二十五。此天數二十有五也。以地之二四六八十。總之則為三十。此地數三十也。又以天之二十五。地之三十。總之則為五十五。成變化而行鬼神。不逃乎此數也。○天數二十有五。五其五也。地數三十。六其五也。莫不自五數之。○雲峯胡氏曰。河圖有自然之數。所以成大易之象。天地有自然之象。所以成河圖之數。奇圓圍三。偶方圍四。三用其全。四用其半。此天地間自然之象也。本義以論乾坤之策。愚謂即此以論河圖之數。可也。一圓而三。水生木也。二方而四。火克金也。陽之一進而用三。陰之四退而用二。合二與三則為五。此河圖之生數也。一生水而六成之。三生木而八成之。生數一進而用三。成數則八退而用六。二生火七成之。四生金九成之。生數四退而用二。成數則七進而用九。七八九六。各為十五。陰陽進退互藏其宅。進即為變。退則為化。鬼神屈伸往來。皆進退之妙用也。

大衍之數五十。其用四十有九。分而為二以象兩。掛一以

象三揲之以四以象四時歸奇於扚以象閏五歲再閏故

再扚而後掛

揲時設反奇紀宜反扚即得反

本義

大衍之數五十蓋以河圖中宮天五乘地十而得

之至用以筮則又止用四十有九蓋皆出於理勢之自然而非人之知力所能損益也兩謂天地也掛懸其一於左手小指之間也三三才也揲間而數之也奇所揲四數之餘也扚勒於左手中三指之兩間也閏積月之餘日而成月者也五歲之間再積日而再成月故五歲之中凡有再閏然後別起積分如一掛之後左右各一揲而一扚故五者之中凡有再扚然後別起一掛也

朱子

曰。河圖洛書之中數。皆五。衍之而各極其數。以至於十。則合爲五十矣。河圖積數五十五。其五十者。皆因五而後得。獨五爲五十。所因而自無。所因故虛之。則但爲五十。又五十五之中。其四十者。分爲陰陽老少之數。而其五與十者。無所爲。則又以五乘十。十乘五。而亦皆爲五十矣。洛書積數四十五。其四十者。散布於外。而分陰陽老少之數。唯五居中。而無所爲。則亦自舍五數。而并爲五十矣。中數五。衍之而各極其數。以至於十者。一箇衍成十箇。五箇便是五十。聖人說這箇。不只是說得一路。他說出這箇物事。自然有許多樣通透去。如五奇五偶。成五十五。又一說六七八九十。因五得數也。○河圖裏十五。是天地自然之數。大衍五十。是聖人去這河圖裏面。取那天五地十。衍出這箇數。大槩河圖是自然底。大衍是用以揲著求卦底。○問大衍之義。曰。天地之數。五十有五。虛其中。金木水火土五數。便是五十。又虛天一。故用四十。有九。此一說也。三天兩地。便是虛去天一之數。只用天三對地二耳。又五爲生數之極。十爲成數之極。以五乘十。以十乘五。亦爲五十。此一說也。又數始於一。成於五。小衍之成十。大衍之成五十。此又一說也。數家之說。雖多不同。某謂此說却分曉。○問竊謂大衍之

數不過五而已。五者數之祖也。河圖洛書皆五居中而
爲數祖宗。大衍之數五十者。即此五數衍而乘之各極
其數而合爲五十也。是五也。於五行爲土於五常爲信。
水火木金不得土不能各成一器。仁義禮智不實有之
亦不能各成一德。此五所以爲數之宗也。不知是否。曰。
此說是。○奇者。左右四揲之餘也。○揲。指間也。謂四
手之策而歸其餘於无名指間。四揲右手之策而歸其
餘於中指之間也。○聖人下字皆有義。掛者。挂也。○
一掛。於二指之中也。○一掛。一歲。揲右。二歲。○一掛。一
間。揲左。四歲。○一掛。一歲。再間也。○一掛。一歲。再
五歲之間。凡再間之象也。○大衍之數五十。其用四十
有九者。五十之內去其一。但用四十九策。合同未分。是
象太一也。分而爲二者。以四十九策分置左右兩手。象
兩者。左手象天。右手象地。是象兩儀也。○掛一者。掛
也。於右手之中取一策懸於左手小指之間。象三者。所
掛之策。所以象人而配天地。是象三才也。○揲之以四
者。揲數之也。謂先置右手之策於一處。而以右手四四
而數。左手之策。又置左手之策於一處。而以左手四四
而數。右手之策也。象四時者。皆以四數。是象四時也。
○歸奇於揲者。奇。零也。○揲。勒也。謂既四數兩手之策
則其四四之後。

必有零數。或一或二或三或四。左手者歸之於第四。第三指之間。右手者歸之於第三。第二指之間而扐之也。象閏者。積分而成閏月也。五歲再閏。故再扐而後掛者。凡前後閏相去大略三十二月。在五歲之中。此掛一揲。四歸奇之法。亦一變之間。凡一掛兩揲。兩扐為五歲之象。其間凡兩扐。以象閏。是五歲之中。凡有再閏。然後置前掛扐之策。復以見存之策。分二掛一。而為第二變也。○大衍之數五十。著之籌。乃其策也。策中乘除。則直謂之數耳。○著卦當初。聖人用之。亦須有箇見成圖算。後自失其傳。所僅存者。只有這幾句。其間已自是添入字去。說他了。想得古人无許多解。須別有箇全文說。○繫辭言著法。大抵只是解其大略。想別有文字。今不可見。但如天數五。地數五。此是舊文。五位相得而各有合。是孔子解文。天數二十有五。地數三十。凡天地之數五十。有五。此是舊文。此所以成變化而行鬼神。此是孔子解文。分而為二。是本文。以象兩。是解。掛一揲之以四歸奇。於扐皆是本文。以象三。以象四。時以象閏之類。皆是解文也。乾之策二百一十有六。坤之策百四十有四。孔子則斷之以當期之日。二篇之策萬有一千五百二十。孔子則斷之以當萬物之數。於此可見。○看繫辭須先看

自大衍之數以下皆是說卜筮。若不是說卜筮。却是說一箇无頭底物。今人誠不知易。○節齋蔡氏曰。天參地兩。合而爲五位。每位各衍之爲十。故曰大衍。○丹陽都氏曰。天地之數五十有五。而大衍之數五十者。蓋數備於五。而五十所宗者五也。大衍之數五十。而其用四十有九者。蓋數始於一。而四十有九數之所宗者一也。○建安丘氏曰。大衍之數五十者。取河圖中五參天兩地之數以爲衍母也。大衍之用止四十九者。又就河圖五十數之在外者虛其天。一之數而不用也。蓋一者數之始。天下之數无窮。而一无爲。故无爲之一以象太極。○西山蔡氏曰。五歲再閏者。一變之中自有五節。掛爲一節。揲左爲二節。歸左奇於扚爲三節。揲右爲四節。歸右奇於扚爲五節。一節象一歲。三節一歸奇象三歲。一閏五節再歸奇象五歲再閏。天地之數三百六十。每歲氣盈六日。朔虛六日。一歲餘十二日。三歲餘三十六日。以三十日爲一月。更餘六日。又二歲餘二十四日。合前所餘六日爲三十日。爲再閏。再扚而後掛者。再扚之後復以所餘之著合而爲一。爲第二變。再分再掛再揲也。不言分二不言揲四。獨言掛一者。明第二變不可不掛也。或曰。揲著之法。虛一分二掛一揲四歸奇。其第一揲不

五則九。第二揲不四則八。計其奇數以定陰陽老少。去其初掛之一。何也。曰。虛一分二掛一揲四歸奇。乃天地四時之生萬物也。其奇數策數以定陰陽老少。乃萬物正性命於天地也。生著以分二掛一為體。揲四歸奇為用。立卦以奇數為體。策數為用。在天地則虛其一而用四十九。在萬物則掛其一而用四十八。此聖人所以知變化之道也。又曰。第一揲掛一。以四十九其奇一也。策二揲非四十四則四十。第三揲非四十則三十六。不復有奇矣。其掛何也。曰。人與天地並立為三。天地非人則无以財成輔相。故分二必掛一也。初掛者。人極所以立。天地因乎人也。再揲三揲之掛者。人因天地以為用也。○雲峯胡氏曰。歷法再閏之後。又從積分而起。則筮法再扐之後。又必從掛一而起也。

乾之策二百一十有六。坤之策百四十有四。凡三百有六

十。當期之曰基期音

本義

凡此策數生於四象。蓋河圖四面。太陽居一而連

九。少陰居二而連八。少陽居三而連七。太陰居四而連六。揲著之法。則通計三變之餘。去其初掛之一。凡四爲奇。凡八爲偶。奇圓圍三。偶方圍四。三用其全。四用其半。積而數之。則爲六七八九。而第三變揲數策數亦皆符會。蓋餘三奇則九。而其揲亦九。策亦四九三十六。是爲居一之太陽。餘二奇一偶則八。而其揲亦八。策亦四八三十二。是爲居二之少陰。二偶一奇則七。而其揲亦七。策亦四七二十八。是爲居三之少陽。三偶則六。而其揲亦六。策亦四六二十四。是爲居四之老陰。是其變化往來進退離合之妙。皆出自然。非人之所能爲也。少陰退

而未極乎虛少陽進而未極乎盈。故此獨以老陽老陰計乾坤六爻之策數。餘可推而知也。期周一歲也。凡三百六十五日四分日之一。此特舉成數而槩言之耳。朱

曰。策者。著之筮數。曲禮所謂策爲筮者。是也。大傳所謂乾坤二篇之策者。正以其掛扚之外。見存著數爲言耳。蓋揲著之法。凡三揲掛扚通十三策而見存三十六策。則爲老陽之爻。三揲掛扚通十七策而見存三十二策。則爲少陰之爻。三揲掛扚通二十一策而見存二十八策。則爲少陽之爻。三揲掛扚通二十五策而見存二十。四策。則爲老陰之爻。大傳專以六爻乘二老而言。故曰乾之策二百一十有六。坤之策百四十有四。凡三百有六十。其實六爻之爲陰陽者。老少錯雜。其積而爲乾者。未必皆老陽。其積而爲坤者。未必皆老陰。其爲六子諸卦者。或陽或陰。亦互有老少焉。蓋老少之別。本所以生爻而非所以名卦。今但以乾有老陽之象。坤有老陰之象。六子有少陰陽之象。且均其策數。又偶合焉。而因假此以明彼。則可。若便以乾六爻皆爲老陽。坤六爻皆爲

老陰。六子皆為少陽。少陰。則恐其未安也。但三百六十者。陰陽之合其數必齊。若乾坤之爻而皆得於少陰陽也。則乾之策六其二十八而為百六十八。坤之策六其三十二而為百九十二。其合亦為三百六十。此則不可易也。○大凡易數皆六十。三十一六對二十四。三十二對二十八。皆六十也。以十甲十二辰亦湊到六十也。鍾律以五聲十二律亦積為六十也。以此知天地之數皆至六十為節。○兼山郭氏曰。或曰乾坤稱九六而六子不稱七八。何也。曰。九六有象。七八无象也。以卦則六子之卦七八隱於其中而无象也。以畫則雖六子亦皆乾坤之畫而六子无畫也。唯乾坤有用九用六之道。諸卦得奇者皆用乾之九。得偶者皆用坤之六。終无有用七用八之道。故曰九六有象。七八无象也。○節齋蔡氏曰。天地之運大小皆極于三百六十。大衍乾坤之策當期之日。真所謂與天地相似也。○白雲郭氏曰。天地謂之數。乾坤謂之策。則數者策之所宗。而策為已定之數也。

二篇之策萬有一千五百二十。當萬物之數也。



二篇。謂上下經。凡陽爻百九十二得六千九百一

十二策陰爻百九十二得四千六百八策合之得此數

朱子曰。二篇之策當萬物之數。亦是取象之辭。不是萬物恰有此數。○二篇之策當萬物之數。不是萬物盡於此數。只是取象自一而萬。數萬數來當萬物之數耳。○正義曰。乾之策二百一十有六者。以乾老陽一爻有三十六策。六爻凡有二百一十有六策也。乾之少陽一爻有二十八策。六爻則有一百六十八策。此經據乾之老陽之策也。坤之策百四十有四者。坤之老陰一爻有二十四策。六爻故一百四十有四策也。若坤少陰一爻有三十二策。六爻則有一百九十二。此經據坤之老陰之策也。凡三百有六十當期之日者。舉合乾坤兩策有三百六十當期之數。三百六十舉其大略。不數五日四分日之一也。二篇之策萬有一千五百二十當萬物之數者。二篇之爻總有三百八十四爻。陰陽各半。陽爻一百九十二爻。爻別三十六。總有六千九百一十二也。陰爻亦一百九十二爻。爻別二十四。總有四千六百八也。陰陽總合萬有一千五百二十。當萬物之數也。今攷凡言策者。即謂著也。禮曰。龜爲卜。策爲筮。又曰。倒策側龜。皆以策對龜而言。則可知矣。儀禮亦言筮人執筮。尤爲明。

驗。故此凡言策數。雖指掛扚之外。過揲見存之著數。而言。然不以掛扚之內所餘之著。不為策也。疏義及其解。說皆已得之。且其并以乾坤二少之爻為言。則固不專以乾坤為老六子為少矣。但乾坤皆少。而其合亦為三百六十。兩篇皆少。而其合亦為萬一千五百二十。則數有未及。而學者不可不知耳。○雲峯胡氏曰。前則掛扚之數。象月之閏。此則過揲之數。象歲之周。蓋揲之以四。已合四時之象。故總過揲之數。又合四時成歲之象也。獨曰乾坤之策者。猶用九用六三百八十四爻之通例。而獨於乾坤言之也。○白雲郭氏曰。聖人畫卦。初未有以陰陽老少為異。然卜史之象。欲取動爻之後卦。故分別老少之象。與聖人畫卦之意。已不同矣。

是故四營而成易。十有八變而成卦。



四營。謂分二掛一揲四歸奇也。易變易也。謂一變

也。三變成爻。十八變則成六爻也。

朱子曰。四營而成易。易字只是箇變字。四

度經營方成一變。若說易之一變。却不可。這處未下得卦字。亦未下得爻字。只下得易字。○四營而成易者。營

謂經營。易即變也。謂分二掛一揲四歸奇。凡四度經營。著策乃成一變也。十有八變而成卦者。謂既三變而成一爻。復合四十九策如前經營。以爲一變。積十八變則成六爻而爲一卦也。其法。初一變兩揲之餘爲掛。扚者不五則九。第二變兩揲之餘爲掛。扚者不四則八。第三變兩揲之餘爲掛。扚者亦不四則八。五四爲少。九八爲多。若三變之間。一五兩四則謂之三少。一九兩八則謂之三多。或一九一八而一四。或一五而一八。則謂之兩多一少。或一九而二四。或一五一四而一八。則謂之兩少一多。蓋四十九策去其初掛之一。而存者四十八。以四揲之爲十二揲之數。四五爲少者。一揲之數也。八九爲多者。兩揲之數也。一揲爲奇。兩揲爲偶。奇者屬陽。而象圓。偶者屬陰。而象方。圓者一圍三而用全。故一奇而含三。方者一圍四而用半。故一偶而含二也。若四象之次。則一曰太陽。二曰少陰。三曰少陽。四曰太陰。以十分之。則居一者含九。居二者含八。居三者含七。居四者含六。其相爲對待而具於洛書者。亦可見也。故三少爲老陽者。三變各得其一揲之數。而三三爲九也。其存者三。十六。而以四數之。復得九揲之數也。左數右策。則左右皆九。左右皆策。則一而圍三也。三多爲老陰者。三變各

得兩揲之數而三二爲六也。其存者二十四而以四數之復得六揲之數也。左數右策則左右皆六。左右皆策則圍四用半也。兩多一少爲少陽者。三變之中再得兩揲之數一得一揲之數而兩二一三爲七也。其存者二十八而以四數之復得八揲之數也。左數右策則左右皆八。左右皆策則方二圓一也。方二謂兩八。圓一謂一十二。兩少一多爲少陰者。三變之中再得一揲之數而二三一二爲八也。其存者三十二而以四數之復得十六揲之數也。左數右策則左右皆十六。左右皆策則方四圓二也。方四謂兩十六。圓二謂一十八。皆策則圓二方一也。圓二謂兩十二。方一謂一十八。多之說雖不經見然其實以一約四以奇爲少以偶爲少而已。九八者兩其四也。陰之偶也。故謂之多。五四者一其四也。陽之奇也。故謂之少。奇陽體圓其法徑一圍三而用其全。故少之數三。偶陰體方其法徑一圍四而用其半。故多之數二。歸奇積三三而爲九。則其過揲者四之而爲三十六矣。歸奇積三二而爲六。則其過揲者四之而爲二十四矣。歸奇積二二而爲四。則其過揲者四之而爲十二矣。歸奇積一一而爲二。則其過揲者四之而爲六矣。歸奇積一一而爲一。則其過揲者四之而爲三矣。歸奇積一一而爲一。則其過揲者四之而爲二矣。歸奇積一一而爲一。則其過揲者四之而爲一矣。歸奇積一一而爲一。則其過揲者四之而爲零矣。其數衆而繁歸奇之數雖後得之。然其數寡而約紀數

之法以約御繁不以衆制寡故先儒舊說專以多少決陰陽之老少而過揲之數亦冥會焉初非有異說也○平庵項氏曰此一節以是故發辭蓋接上文二篇之策而論揲著求卦之法于以總括夫一章之事也自下文象推演之法而一章之事備矣

八卦而小成

本義

謂九變而成三畫得內卦也

引而伸之觸類而長之天下之能事畢矣

長丁文反

本義

謂已成六爻而視其爻之變與不變以爲動靜則

一卦可變而爲六十四卦以定吉凶凡四千九十六卦

也

朱子曰引而伸之觸類而長之是占得這一卦則就上面推看如乾則推其爲圓爲君爲父之類是也○

雙湖胡氏曰按四千九十六卦乃焦延壽變卦之法詳見啓蒙原卦畫篇

顯道神德行是故可與酬酢可與祐神矣孟行下反



顯明於道而見其功用之神故可與應對萬變可贊祐於神道矣謂合德也人唯順理以成功

乃贊天地之化育也



道因辭顯行以數神酬酢謂應對祐神謂助神化

之功

辭或問顯道神德行朱子曰道較微妙无形影因卦

行是人做底事因數推出來方知得這不是人硬焦地
做都是神之所為也又曰須知得是天理合如此○此
是說著卦之用道理因此顯著德行是人事却由取決
於著既知吉凶便可以酬酢事變神又豈能自說吉凶
與人因有易後方著見便是易來佑助神也又曰易唯
其顯道神德行故能與人酬酢而佑助夫神化之功也
○神德行是說人事那麓做底只是人為若決之於鬼
神德行便神○酬酢者言幽明之相應如賓主之相交
也○平庵項氏曰天道雖幽可闡之以示乎人人事雖
顯可推之以合乎夫明可以酬酢事物之宜幽可以贊

出鬼神之神命。雲峯胡氏曰。道在天。德行在人。在天者幽顯道。闡幽也。在人者顯。神德行微顯也。著與卦可與酬酢其在人者可與贊助其在天者。

子曰。知變化之道者。其知神之所為乎。

程子曰

知變化之道。則知神之所為也。合與上文相連。不合在下。

本義

變化之道。即上文數法是也。皆非人之所能為。故

夫子歎之。而門人加子曰。以別上文也。

盤澗董氏曰。陽

陽者變化也。所以變化者道也。道者本然之妙。變化者所乘之機。故陰變陽化。而道无不在。兩在故不測。故曰知變化之道者。其知神之所為乎。○南軒張氏曰。變者不能自變。有神以變之。化者不能自化。有神以化之。故知變化之道者。疑若窺測其妙也。○雲峯胡氏曰。本義曰。變化之道。即上文數法是也。皆非人之所能為。蓋為河圖大衍之數。揲著求卦之法。有變有化。非人之所為也。皆神之所為也。

右第九章

本義

此章言天地大衍之數。揲著求卦之法。然亦

略矣。意其詳具於大卜筮人之官。而今不可考耳。

其可推者。啓蒙備言之。

雙湖胡氏曰。此章首論天地之數。次論著策之數。末

論卦畫之數。天地數之原也。著策數之衍也。卦畫數之鍾聚也。蓋至於卦畫。足以濟生人之用矣。故始之以成變化而行鬼神。明數之體段。原於天地者。將必有如是之功用。終之以變化之道。神之所為。明數之功用。達於著卦者。原其初已有如是之體段也。變化之道。即成變化之事。揲著中老陽變為少陰。老陰變為少陽。是也。神之所為。即行鬼神之事。卦畫既立。吉凶禍福皆可得而前知。所謂定天下之吉凶。成天下之亹亹。是也。簡編釐正之功大矣。

易有聖人之道四焉。以言者尚其辭。以動者尚其變。以制

器者尚其象。以上筮者尚其占。

程子曰

易有聖人之道四焉。止。非天下之至精。其孰能與於此。○言所以述理。以言者尚其辭。謂其言

求理者則存意於辭也。以動者尚其變。動則變也。順變而動。乃合道也。制器作事當體乎象。卜筮吉凶當考乎占。受命如響。遂知來物。非神乎。曰。感而通求而得。精之至也。

朱子曰

四者皆變化之道。神之所為者也。

朱子曰。易有君子之道四。至精

至變。則合做兩箇。是他裏面各有那箇。○問。以言以動。以制器。以上筮。這以字是指以易而言否。曰。然。又問。辭占是一類。變象是一類。所以下文至精合辭占說。至變合變象說。曰。然。占與辭是一類者。曉得辭方能知得占。若與人說話。曉得他言語方見他。○問。以言者尚其始。象是事之已形者。故亦是一類也。○問。以言者尚其辭。以言是取其言以明理斷事。如論語上舉不恒其德。或承之羞否。曰。是。○問。以制器者尚其象。曰。這都難說。蓋取諸離。取諸益。不是。先有見乎離而後為網罟。先有見乎益而為耒耜之屬。聖人亦只是見魚鼈之屬。欲有

以取之。遂做一箇物事去。攔截他。欲得耕種見地土硬。遂做一箇物事去。剔起他。却合於離之象。合於益之意。有取其象者。有取其意者。○問以卜筮者。尚其占。卜用龜。亦使易占否。曰。不用。只是文勢如此。○南軒張氏曰。易有聖人之道四焉。故指其所之者。易之辭也。以言者尚之。則言无不當矣。化而裁之者。易之變也。以動者尚之。則動无不時矣。象其物宜者。易之象也。制器者象之。則可以盡創物之智。極數知來者。易之占也。卜筮者尚之。則可以窮先知之神。○廬陵龍氏曰。四者皆是用易。然有言動時取用者。有制器卜筮時取用者。四句唯尚變難通。變雖在辭象占之外。實不出辭象占之間。凡舉動必合易之變。唯心與理會者能之。○雲峯胡氏曰。辭占是一類。變象是一類。辭以明變象之理。占以斷變象之應。故四者之目。以辭與占始終焉。

是以君子將有爲也將有行也。問焉而以言。其受命也如嚮。无有遠近幽深。遂知來物。非天下之至精。其孰能與於

此嚮許兩反。古文嚮此字與音預下同。

程子曰。卜筮之能應。祭祀之能享。亦只是一理。著龜雖无情。然所以為卦而卦有吉凶。莫非有此理。以其有是理也。故以是問焉。其應也。如響。若以私心及錯卦象而問之。便不應。蓋沒此理。今日之理與前日已定之理。只是一箇理。故應也。至如祭祀之享。亦同。鬼神之理在彼。我以此理向之。故享也。不容有二。三只是理也。

本義

此尚辭尚占之事。言人以著問易。求其卦爻之辭。

而以之發言處事。則易受人之命。而有以告之。如嚮之應聲。以決其未來之吉凶也。以言與以言者。尚其辭之。

以言義同。命則將筮而告著之語。冠禮筮日宰自右贊。

命是也。

或問君子將有為也。將有行也。問焉而以言。其受命也。如響。朱子曰。此是說君子作事問於著。

龜言是命。龜受命如嚮。龜受命也。抱龜南面是也。○張子曰。易无思无為受命。乃如響。又曰。此言易之為書也。至精者。謂聖人窮理極盡精微處也。○開封耿氏曰。物之來者。遠自八荒之上。深在六極之下。吾能知之。此則

天地之鑑也。萬物之照也。所謂至精者也。○雲峯胡氏曰。君子言動必擬於易。但言在行先。故將有為有行。必先問焉。而以之發言。然後以之行事也。易受人之命。其應如響。未來之事。无幽深遠近。皆知之。此尚辭尚占之事。而曰天下之至精者。言辭占至精之道。其精无以加也。

參伍以變。錯綜其數。通其變。遂成天地之文。極其數。遂定天下之象。非天下之至變。其孰能與於此。參七南反。錯七各反。

本義

此尚象之事。變則象之未定者也。參者三數之也。

伍者五數之也。既參以變。又伍以變。一先一後更相考覈。以審其多寡之實也。錯者交而互之。一左一右之謂也。綜者總而挈之。一低一昂之謂也。此亦皆謂揲著求卦之事。蓋通三揲兩手之策。以成陰陽老少之畫。究七

八九六之數以定卦爻動靜之象也。參伍錯綜皆古語。而參伍尤難曉。按荀子云。窺敵制變。欲伍以參。韓非曰。省同異之言以知朋黨之分。偶參伍之驗以責陳言之實。又曰。參之以此物。伍之以合參。史記曰。必參而伍之。又曰。參伍不失。漢書曰。參伍其賈以類相準。此足以相發明矣。朱子曰。參以三數之也。伍以五數之也。如云什伍其民。如云或相什伯。非直為三與五而已也。蓋紀數之法。以三數之。則遇五而齊。以五數之。則遇三而會。故荀子韓非漢書所云皆其義也。所謂參伍以變者。蓋言或以三數而變之。或以五數而變之。前後多寡更相反覆。以不齊而要其齊。如河圖洛書大衍之數。伏羲文王之卦。歷象之日月五星。章部紀元。是皆各為一法。不相依附。而不害其相通也。○揲著本无三數五數之法。只言交互參考。皆有自然之數。如三三為九。五六三十之類。雖不用以揲著。而推算變通未嘗不用。○荀

子說參伍。楊倞解之爲詳。漢書所謂欲問馬先問牛。參伍之以得其實。大抵陰陽奇偶變化無窮。天下之事不出諸此。成天地之文者。若卦爻之陳列。變態者是也。定天下之象者。物象皆有定理。足以經綸天下之事也。○問參伍者。是旣三以數之。又五以數之。譬之三十錢以三數之。看得幾箇三了。又五以數之。看得幾箇五。兩數參合。方看得幾箇成數。曰。正是如此。又問不獨是以數算。大槩只是參合底意思。如趙廣漢欲問馬。先問牛。便只是以彼數來參此數否。曰。是。又曰。若是他數。猶可揆三與五兩數。自是參差不齊。所以舉以爲言。如這箇是三箇。將五來比。又多兩箇。這是五箇。將三來比。又少兩箇。兵家謂窺敵制變。欲伍以參。今欲覘敵人之事。教一人探來。恁地說。又差一人去探來。若說得不同。便將這兩說相參。看如何。以求其實。所以謂之欲伍以參。○問錯綜之義。曰。錯是往來底。綜是上下底。古人下這字極子細。又曰。錯是往來交錯之義。綜如織底。綜一箇上去。一箇下來。陽上去。做陰。陰下來。做陽。又曰。錯綜其數。便只是七八九六。六對九。七對八。便是東西相錯。六上生七。爲陽。九下生八。爲陰。便是上下爲綜。○錯綜是兩樣錯者。雜而互之也。綜者。條而理之也。參伍錯綜。又各自

是一事。參伍所以通之。其治之也。簡而疎。錯綜所以極之。其治之也。繁而密。○漢上朱氏曰。參伍以變者。縱橫十五。天地五十有五之數也。錯之爲六七八九。綜之爲三百六十。通六七八九之變。則剛柔相易。遂成天地之文。極五十有五之數。則剛柔有體。遂定天下之象。非成文。不足以成物。非受象。不足以制器。變之又變。謂之至變。○南軒張氏曰。三五。天也。參而伍之。人也。○平庵項氏曰。凡占之法。有數有變。每爻三揲爲三變。每揲有象。兩象三象四時象。閏再閏爲五小變。此參伍以變也。三揲之奇分而計之。則得三少三多一少兩多一多兩少之數。去三揲之奇。以左右手之正策合而計之。則得四九四六四七四八之數。此錯綜其數也。錯謂分而間之。綜謂合而綜之。此兩句止論一爻之法。通六爻之變。得十有八。遂成初二三四五上。以爲剛柔相雜之文。極六爻之數。得七八九六。遂定重單交拆。以爲內外兩卦之象。此兩句成卦之法。○雲峯胡氏曰。上文曰尚辭。尚占之事。此獨曰尚象。而不曰尚變。參伍以變。此變字。象之未定者也。參伍以一變而言。錯綜合十八變而言。本義以參伍爲一先一後。更相考覈。以究其多寡之實。筮法四五爲寡。九八爲多。五九爲先。四八爲後。五九四八之

中又各自有先後焉。除掛一外。餘九者先後皆四。餘八者或先三而後四。或先四而後三。是三以變也。餘五者或先二而後一。或先一而後二。是伍以變也。參伍以變。蓋三揲兩手之策也。通三揲兩手之策。而陰陽老少之畫遂成矣。三變方成。陰陽老少之畫。雜十有八。變乃見陰陽老少之數。故謂之錯。錯綜七。八。九。六之數。成一爻。總十有八變成一卦。故謂之綜。錯綜七。八。九。六之數。而卦爻動靜之象遂定矣。天下至變。言易之有象。其至變之道。天下无以加之也。○雙湖胡氏曰。按楊倞荀子註。伍參猶雜也。使間謀或參之。或伍之。於敵間。而盡知其事。史記引周書曰。必參而伍之。註。三卿五大夫。欲更議也。

易无思也。无爲也。寂然不動。感而遂通天下之故。非天下之至神。其孰能與於此。

程子曰。老子曰。无爲。又曰。无爲而无不爲。當有爲而以无爲爲之。是乃有爲爲也。聖人作易。未嘗言无爲。惟曰无思也。无爲也。此戒夫作爲也。然下即曰寂然不動。感而遂通天下之故。是動靜之理。未嘗爲一偏之說矣。○

寂然不動感而遂通者。天理具備元无少欠。不爲堯存。不爲桀亡。父子君臣常理不易。何曾動來。因不動故言寂然。雖不動感便通。感非自外也。○寂然不動。萬物森然已具在。感而遂通。感則只是自內感。不是外面將一件物來感於此也。○寂然不動。感而遂通。此只言人分上事。若論通則萬理皆具。更不說感與未感。○答與叔書曰。心一也。有指體而言者。寂然不動是也。有指用而言者。感而遂通天下之故是也。○感而遂通天下之故。以其寂然不動。小則事物之至。大則无時而不感。○龜山楊氏曰。惟无思爲足以感通天下之故。而謂无思土木可乎。此非窮神知化未足與議也。○藍田呂氏曰。寂然之中。天機常動。感應之際。本原常靜。洪鍾在簋。叩與不叩。鳴未嘗已。寶鑑在手。照與不照。明未嘗息。○張子曰。一故神。譬之人身。四體皆一物。故觸之而无不覺。此所謂感而遂通不疾而速不行而至也。

本義 此四者之體所以立而用所以行者也。易指著卦。无思无爲言其无心也。寂然者感之體。感通者寂之用。

人心之妙其動靜亦如此。是朱子曰：易无思也，无爲也，易動。占之吉凶，善惡隨事著見。乃感而遂通。又曰：感而遂通，感著他卦，卦便應也。如人來問底善，便與說善。來問底惡，便與說惡。所以先儒說道：潔靜精微。這般句說得有些意思。又曰：凡言易者，多只指著卦而言。著卦何嘗有思有爲？但只是叩著便應，无不通。所以爲神耳。非是別有至神在著卦之外也。○寂然不動，感而遂通天下之故。與窮理盡性以至於命，本是說易，不是說人。諸家皆是借來就人上說，亦通。○寂然是體，感是用。當其寂然時，理固在此，必感而後發。如仁感爲惻隱，未感時只是仁；義感爲羞惡，未感時只是義。○易无思也，无爲也，寂然不動，忠也，敬也。立大本也。感而遂通天下之故，知也。○問无思也，无爲也，寂然不動，感而遂通天下之故者，何也？曰：无思慮也，无作爲也。其寂然者，无時而不感；其感通者，无時而不寂也。是乃天命之全體。人心之至正，所謂體用之一源。流行而不息者，疑若不可以時處分矣。然於其未發也，見其感通之體；於已發也，見其寂然之用。亦各有當而實未嘗分焉。故程子曰：中者言寂然不動者也，和者言感而遂通者也。然

中和以情性言者也。寂感以心言者也。中和蓋所以為
寂感也。○平庵項氏曰：著之變，策之數，爻之文，卦之象，
皆寂然不動之物。初不能如人之有思，亦不能如人之
有為，皆純乎天者也。及問焉而以言，則其受命也如響，
无有遠近幽深，遂知來物，則感而遂通天下之故，皆同
乎人者也。○潘氏曰：易无思慮，无作為，寂然不動，若无
與於物，然一有所感，則天下之故无不通者。感於離，則
通乎網罟之故；感於夬，則通乎書契之故；感於坤，則
而鳥獸近而一身，遠而萬物，苟有感焉，无不通者。然非
極天下之至神者，不能也。○雲峯胡氏曰：象在畫，辭在
策，著未變，占在積，皆无思无為，寂然不動。人心之寂也
如是，揲著以求卦，則天下之故无有不通者矣。人心之
感也如是，非至精至變之外，他有所謂
至神。神即精與變之至妙至妙者也。

夫易聖人之所以極深而研幾也幾音機下同

本義

研猶審也。幾微也。所以極深者，至精也。所以研幾

者，至變也。或問如何是極深。朱子曰：聖人都曉得至深，難見底道理，都就易中見得。問如所謂幽明。

之故。死生之說。鬼神之情狀之類否。曰。然。問。何如是研
幾。曰。便是研磨出那幾微處。且如一箇卦在這裏便有
吉凶。有悔吝。幾微毫釐處都研出來。又問。如此說。正與
本義所謂所以極深者至精也。所以研幾者至變也。正
相發明。曰。然。○易便有那深有那幾。聖人使用極出那
深研出那幾。研是研磨到底之意。詩書禮樂皆是說那
已有底事。惟是易說那未有底事。研幾是不待他顯著
只在那茫昧時都處置了。○知至。如極深。能慮。便是研
幾。又曰。知至能慮。與極深研幾句畧相似。○平庵項氏
曰。至精至變至神者。易之體也。惟深惟幾。惟神者。易之
用也。故曰。夫易聖人所以極深而研
幾也。立此一句。以承上體起下用也。

唯深也。故能通天下之志。唯幾也。故能成天下之務。唯神
也。故不疾而速。不行而至。

程子曰。神无速亦无至。須如此
言者。不如是不足以形容故也。



所以通志而成務者。神之所爲也。

朱子曰。深是幽
深。通是開通。人

所以閉塞只爲他淺。若是深後便能開通。人志道理若淺。如何開通得人。所謂通天下之志。亦只似開物相似。所以下一句也。說箇成務。易是說那未有底。六十四卦皆是如此。○深就心上說。幾就事上說。幾便是有那事了。雖是微。畢竟是有。深在心甚玄奧。幾在事半微半顯。通天下之志。猶言開物。開通其閉塞也。故其下對成務。○極出那深。故能通天下之志。研出那幾。故能成天下之務。○問唯深也。唯幾也。唯神也。此是說聖人能如此。否。曰。此是說聖人亦是易如此。若不深。如何通得天下之志。又曰。他恁黑窄地深疑。若不可測。然其中却事事有。又曰。事事都有一箇端緒可尋。又曰。各有箇路脉線。索在裏面。所以曰唯幾也。故能成天下之務。研者便是研窮他。問如何是幾。曰。這便是周子所謂動而未形。有無之間者也。○通天下之志。通是開通之意。蓋當時之民遇事多閉塞。不知所爲。故聖人作易示以此理。教他恁地做。便會吉。如此做。便會凶。必恁地則吉。而可爲。如此則凶。而不可爲。所謂通天下之志。開物亦只是如此。○臨川吳氏曰。本義云。極深者。至精也。研幾者。至變也。唯辭之能極深也。故以辭爲占。則可以變得象。則可以制下人之心志。唯變之能研幾也。故以變得象。則可以制

作而完成天下人之事務。然辭占變象所以能如此者皆妙不可測之神爲之。唯其妙不可測。故不待疾之而自速。不待行之而自至。謂自然而然。非人所能爲也。誠齋楊氏曰。天下之理。唯疾故速。唯行故至。未有不疾而速。不行而至者也。蓋不如是。不足以爲神也。然則聖人之神果何物也。心之精也。豈唯心之能神哉。物理亦其母。齧指而其子心動。此一物之理。一人之氣。相應相同。有不疾而速。不行而至者也。况聖心之神乎。是故範圍天地而一念不踰時。經緯萬方而半武不出戶。豈假疾而後速。行而後至。何爲其然也。心之神也。

子曰易有聖人之道四焉者此之謂也

朱子曰。變化之道。莫非神之所爲也。故知變化之道。則知神之所爲矣。易有聖人之道四焉。所謂變化之道也。觀變玩占。可以見其精之至矣。玩辭觀象。可以見其變之至矣。然非有寂然感通之神。則何以爲精。爲變而成變化之道哉。此變化之道。所以爲神之所爲也。所以極深者。以其精也。所以研幾者。以其變也。極深研幾。所以

不疾而速。不行而至者。以其神也。此又覆明上文之意。復以易有聖人之道四焉者結之也。或曰。至精至變。皆以書言之矣。至神之妙。亦以書言之可乎。曰。至神之妙。固无不在。詳考之文意。則實以書言之也。所謂无思无爲。寂然不動。云者。言在閑象在畫。著在櫝而變未形也。至於玩辭觀象而揲著以變。則感而遂通天下之故矣。推而極於天地之大。反而驗諸心術之微。其一動一靜。循環終始之妙。亦如此而已矣。嗚呼。此其所以不疾而速。不行而至也歟。○平庵項氏曰。四者雖云辭變象占。而自君子將有爲也以下。則皆論占也。至此又以易有聖人之道四焉終之者。蓋占則有辭。變則有象。舉其一。則四事在其中矣。

右第十章

本義

此章承上章之意。言易之用有此四者。

子曰。夫易何爲者也。夫易開物成務。冒天下之道。如斯而已者也。是故聖人以通天下之志。以定天下之業。以斷天

下之疑

冒莫報反
斷丁亂反

本義

開物成務。謂使人卜筮以知吉凶而成事業。冒天

下之道。謂卦爻既設而天下之道皆在其中。

朱子曰。此言易之書

其用如此。又曰。易本爲卜筮而言。古人淳質。初无文義。故畫卦爻以開物成務。故曰。夫易何爲而作也。夫易開物成務。冒天下之道如斯而已也。是故以通天下之志。以定天下之業。以斷天下之疑。是故著之德圓而神。卦之德方以知。六爻之義易以貢。聖人以此洗心。退藏於密。此易之大意在此。又曰。易本欲定天下之志。斷天下之疑而已。不是要說道理也。○古之時。民淳俗朴。風氣未開。於天下事全未知識。故聖人立龜與之卜。作易與之筮。使之趨吉避害。以成天下之事。故曰。開物成務。物只是人物。務只是事務。冒只是罩得天下許多道理在裏。出不得他箇。○問易開物成務。冒天下之道。是易之理。能恁地。而人以之卜筮。又能開物成務否。曰。然。○讀繫辭者。須見得如何是開物。如何是成務。如何是冒天下之道。須要就卦中一一見得許多道理。然後可讀繫

辭也。蓋易之爲書。大抵皆是因卜筮以設教。逐爻開示吉凶。包括无遺。如將天下許多道理。包藏在其中。故曰冒天下之道。繫辭自大衍數以下。皆是說卜筮事。若不曉他盡是說文變中道理。則如所謂變動不居。周流六虛之類。有何憑著。今人說易。所以不將卜筮爲主者。只是怕小。却這箇道理。故憑虛失實。茫昧臆度而已。殊不知由卜筮而推。而上通鬼神。下通事物。精及於无形。粗及於有象。如包罩在此。隨取隨得。居則觀象玩辭者。又不待卜而後見。只是體察。便自見吉凶之理。○臨川吳氏曰。開物。謂人所未知者。開發之。成務。謂人所欲爲者。成全之。冒。猶韜尸之冒。謂天下之道。悉包裹於其中也。通志。開物也。定業。成務也。斷疑。謂易於天下之道。包裹无遺。故於天下之疑事。皆能決之也。○雲峯胡氏曰。學者以爲易專言卜筮。易至於小吾易。殊不知未有卜筮以前。人无以知吉凶。而成事業。有卜筮則可開示吉凶。而天下事事物物之理。无不包括在此。故曰冒天下之道。開示天下以吉凶。所以通天下之志。成務。所以定天下之業。冒天下之道。所以斷天下之疑。下文凡六節。各有是故二字。皆以言卜筮之妙也。

是故著之德圓而神。卦之德方以知。六爻之義易以貢。聖人以此洗心。退藏於密。吉凶與民同患。神以知來。知以藏往。其孰能與於此哉。古之聰明叡知神武而不殺者夫。以方

知之知音智下知以叡知並同易音亦與音預夫音符

程子曰。生生之謂易。天地設位而易行乎其中。乾坤毀則无以見易。易不可見。乾坤或幾乎息矣。易畢竟是甚。又指而言曰。聖人以此洗心。退藏於密。聖人示人之意。至此深且明矣。終無人理會。易者此也。密也。是甚物。人能至此深思。當自得之。○又曰。安有識得易後。不知退藏於密。密是用之源。聖人之妙處。知不專為藏往。易言知來藏往。主著卦而言。○張子曰。圓神。故能通天下之志。方知。故能定天下之業。易貢。故能斷天下之疑。易書成。三者備。憂患明。聖人得以洗濯其心。退藏於密矣。

本義

圓神。謂變化无方。方知。謂事有定理。易以貢。謂變

易以告人。聖人體具三者之德而无一塵之累。无事則其心寂然。人莫能窺。有事則神知之用隨感而應。所謂无卜筮而知吉凶也。神武不殺。得其理而不假其物之謂。朱子曰。此言聖人所以作易之本也。著動卦靜而爻之變易无窮。未畫之前。此理已具於聖人之心矣。然物之未感。則寂然不動。而无兆朕之可名。及其出而應物。則憂以天下而圓神方知者。各見於功用之實。聰明叡知。神武而不殺者。言其體用之妙也。又曰。著之德三句。著與卦以德言。爻以義言。但只是具這箇道理在此而已。所謂以此洗心者。心中渾然此理。别无他物。退藏於密。只是未見於用。所謂寂然不動也。下文說神以知來。便是以著之德知來。知以藏往。便是以卦之德藏往。洗心退藏。言體知來藏往。言用。然亦只言體用具矣。而未及使出來處。到下文是興神物以前。民用方發揮許多道理。以盡見於用也。然前段必結之以聰明叡知神武而不殺者。只是譬喻著龜雖未用。而神靈之理具在。猶武雖是殺人底事。聖人却存此神武而不殺也。又曰。

聖人以此洗心退藏於密。是以那易之理來洗濯自家
心了。更沒些私意。小知在裏許。聖人便似易了。不假卜
筮。而知吉凶。所以說神武而不殺。這是有那神以知來
知。以藏往。又說箇齊戒以神明其德。皆是得其理。不假
其物。又曰。退藏於密。時固不用。這物事。吉凶與民同患
也。不用這物事。用神而不用著。用知而不用卦。全不犯
手。退藏於密。是不用事。時到他用事。也不犯手。事未到
時。先安排在這裏了。事到時。恁地來。恁地應。○著以七
爲數。故七七四十九。而屬陽。是未成卦。時所用。未有定
體。故其德圓而神。所以知來。卦以八爲數。故八八六十
四。而屬陰。是因著之變而成。已有定體。故其德方以知
所以藏往。○一卦之中。凡爻辭所載。皆具已見底道理。
此藏往也。占得此爻。却因已見底道理。以推未來之事。
便是知來。○易以貢是變易。以告人。貢字只作告字說。
但上面神字。知字。下得重。不知此字。又却下得輕。却曉
不得。○建安丘氏曰。四十九著分掛揲。撓陰陽老少變。
化无方。故其德圓而神。六十四卦象辭。森列吉凶得失。
一定不易。故其德方以知。貢猶告也。三百八十四爻。剛
柔迭用。九六相推。其理又變易。以告人。故其義易以貢。
○孔氏曰。吉凶與民同患。者。凶雖民之所患。吉亦民之

所患也。既得其吉。又患其凶。老子曰。寵辱若驚也。○雲峯胡氏曰。此以著卦爻之理而言也。理无一定之用。故曰。圓而神。事有一定之理。故曰。方以知。易以六爻之理。教人有定體而无定用。故曰。易以貢。聖人一心。著卦爻之理。之理具焉。具此三者之理。而无一塵之累。故无事則退。藏於密。莫窺其際。即著卦爻之无思。无爲。寂然不動者也。有事則吉。凶與民同患。其神自足以知來。其知自足以藏往。即著卦爻之感。而遂通天下之故者也。易開物成務。是使人以卜筮而知吉凶。與民同患。而知來藏往。是聖人无卜筮而知吉凶也。本義謂神武不殺。得其理而不假其物之謂。蓋謂理必有資乎著卦爻之爲物。而聖人得其理而不假其物。便如武必有資乎殺。而聖人則存此神武而不假乎殺也。○平庵項氏曰。自子曰。夫易何爲者也。至定之以吉凶。所以斷也。朱子合爲一大章。專言卜筮之事。而其間節目有四。第一節自夫易何爲者也。至神武而不殺者。夫。統言易中有著卦爻三德。章首先設問答。次以是故發辭。開物者。知其未然也。陽之始物也。成務者。定其當然也。陰之終物也。天下之始。終皆備於此書之內矣。是故聖人用之以通人之志。所謂開物也。以定人之事。所謂成務也。以決人之疑。即志

與事之決也。此三者皆著卦爻之所能也。是故著用七
故其德圓。卦用八。故其德方。爻用九。六。故其義易。貢著
開於无卦之先。所以為神。卦定於有象之後。所以為知。
爻決之先者也。所以為貢。聖人以此三者洗心以存其
神。退藏以定其體。同患以贊其決。故其知幾。即神之開
物也。其畜德則知之成務也。此所謂聰明叡知也。其斷
吉凶。即神武之決也。其與民同患。即不殺之仁也。古之
人有能備是德者。即伏羲聖人是也。故自此以下。始言
建立卜筮之人焉。

是以明於天之道而察於民之故。是興神物以前民用。聖
人以此齋戒以神明其德夫。

程子曰。聖人以此退藏於密。以此齋戒以神明其德夫。
要須玩索。○張子曰。言天之變遷禍福之道。由民逆順
取舍之故。故聖人作易以先之。

本義 神物謂著龜。湛然純一之謂齋。肅然警惕之謂戒。

明天道故知神物之可興。察民故故知其用之不可不有。以開其先。是以作爲卜筮以教人。而於此焉。齋戒以考其占。使其心神明不測。如鬼神之能知來也。朱子曰。

於天之道而察於民之故。是興神物以前民用。此言作易之事也。聖人以此齋戒以神明其德。夫此言用易之事也。齋戒敬也。聖人无一時一事不敬。此特因卜筮而言。尤見其精誠之至。如孔子所慎。齋戰疾之意。湛然純一之謂齋。肅然警惕之謂戒。玩此則知所以神明其德之意也。又曰。齋較詳於戒。到湛然純一之時。肅然警惕也。无了。○是以明於天道以下。言教民卜筮之事。而聖人亦未嘗不敬而信之。以神明其德也。○明於天之道而察於民之故。是興神物以前民用。蓋聖人見得天道人。事都是這道理。著龜之靈都包得盡。於是作爲卜筮。使人因卜筮知得道理。都在裏面。○是興神物以前民用。此言有以開民使民皆知。前時民皆昏塞。吉凶利害是非。都。不知。因這箇開了。便能如神明然。此便是神明其德。又云。民用之。則神明民德。聖人用之。則自神明其德。

○問聖人齋戒以神明其德。曰。顯道神德行。便是這神字。猶言吉凶若有神明。明陰相之相似。這都不是自家做得。都若神之所爲。○問明於天之道。而察於民之故。天之道便是民之故否。曰。論極處固只是一箇道理。看時須做兩處看。方看得周匝。无虧欠處。問天之道只是福善禍淫之類否。曰。如陰陽變化。春何爲而生。秋何爲而殺。夏何爲而暑。冬何爲而寒。皆要理會得。問民之故。如君臣父子之類。是否。曰。凡民生日用皆是。若只理會得民之故。却理會不得天之道。便即民之故亦未是在。到得極時。固只是一理。要之須是都看得周匝始得。○洗心。聖人觀象玩辭。理與心會也。齋戒。聖人觀變玩占。臨事而敬也。○聖人以通天下之志。以定天下之業。以斷天下之疑。此只是說著龜。若不指著龜。如何通之。定之。斷之。到著之德圓而神以下。却是從源頭說。却未是說卜筮。蓋聖人之心。自有易之三德。故渾然是此道理。不煩用一毫之私。便是洗心。即是退藏於密。所謂密者。只是他人自无可捉摸處。便是寂然不動處。吉凶與民同患。神以知來。知以藏往。皆已具此理。但却未用於著龜。故曰古之聰明叡知神武而不殺者夫。神武不殺之言。只是譬喻。謂聖人已具此理。却不犯手耳。明於天之道。

以下。方說著龜。乃是發用處。是興神物以前。民用蓋聖人既具此理。又將此理就著龜上發明出來。使民亦得前知而用之也。聖人以此齋戒以神明其德。德即聖人之德。又即卜筮以神明之。聖人自有此理。亦用著龜之理以神明之。○南軒張氏曰。夫著植物也。足以揲天地之數。龜動物也。足以見天下之象。故天能生之而不能興之。惟聖人用其四十九而幽贊神明者。所以興其著也。鑽之七十二而置之。前列者。所以興其龜也。天下之民其終不倦而樂於有爲。亶亶不忘而勇於有行者。以其有著以前之也。然後聖人深居簡出。利用安身。齊以去其不一之思。戒以防其不測之患。神明自得。有莫知其所以然者矣。○李氏曰。以爲神耶。則既物於物。以爲物矣。則神所寄焉。夫是之謂神物。均是物也。而著龜爲神者。以知象數是也。○雲峯胡氏曰。上文謂著卦爻之理。不假於物。而皆具於聖人之心。此則謂著卦爻之用。不能不假於物。而亦不能外乎聖人之心。故彼曰聖人以此洗心者。此心至靜而理之體具也。此曰聖人以此齋戒者。此心至敬而理之用行也。蓋聖人明天道而知此神物之可興。察民故而知其用之不可不開其先。然聖人非齋戒无以神明聖人之德。教人卜筮。人不齋戒。

亦无以神明人之德也。○平庵項氏曰。此第二節言始立著筮之人。以是發辭。惟其聰明叡知也。是以明於天道之遠。而察於民事之近。惟其神武不殺也。是以建立著策以開斯民占決之用。聖人又以卜筮之法。所以齋心而戒事。問之於神而貢之於明者。以自齋戒。以自神明。其齋則洗心也。其戒則藏密也。其神明其德。則與民同患也。自此以下。遂言畫爻布卦之法。以見神明其德之事也。

是故闔戶謂之坤。闢戶謂之乾。一闔一闢謂之變。往來不窮謂之通。見乃謂之象。形乃謂之器。制而用之謂之法。利用出入。民咸用之謂之神。見賢通反



闔闢動靜之機也。先言坤者。由靜而動也。乾坤變

通者。化育之功也。見象形器者。生物之序也。法者。聖人脩道之所為。而神者。百姓自然之日用也。

朱子曰。闔闢。乾坤理與事。

皆如此書亦如此。這箇則說理底意思多。○問易中多言變通之意如何。曰。處得好處便是通。問往來不窮謂之通如何。曰。處得好便不窮。不通便窮。○見乃謂象只是說動而未形。有無之間者。幾底意思。幾雖是未形。然畢竟是有箇物了。○問闔戶謂之坤一段。只是這一箇物。以其闔謂之坤。以其開謂之乾。以其闔開謂之變。以其不窮謂之通。以其發見而未成形謂之象。以其成形則謂之器。聖人脩明以立教。則謂之法。百姓日用則謂之神。曰。是如此。又曰。利用出入者。便是人生日用都離他不得。又曰。民之於易。隨取而各足。易之於民。周徧而不窮。所以謂之神。所以謂之活潑潑地。便是這處。○漢上朱氏曰。坤自夏至以一陰右行。萬物由之而入。故曰闔戶。乾自冬至以一陽左行。萬物從之而出。故曰闢戶。又曰。无闔則无靜。无動。此歸藏所以先坤歟。○進齋徐氏曰。天道流行。有動有靜。猶戶之闔開也。陽之嘘也。戶之闔也。羣動由是而息也。是謂之坤。先坤後乾。陰也。戶之闔也。羣動由是而息也。是謂之乾。陰之翕也。戶之闔也。○息齋余氏曰。戶一而已。闔斯為坤。闢斯為乾。且闔且闢。為變。可往可來。為通。見此戶之象也。戶則器也。制之於棟宇之初者。法也。千萬世由之而不能離。

者神也。皆言戶也。知戶之說。則知乾坤之說。聖人偶有觸於一物。而發明乾坤之妙如此。知此者。謂之知易。觀天地。則圖書與得諸此戶。無異也。先儒觀兔及斷公事之說亦然。○雲峯胡氏曰。此章本義。以爲專言卜筮。此段若從卜筮說。闢戶謂之坤者。四十九策之合也。闢戶謂之乾者。四十九策之分也。一合一分。是謂著之變。分合進退之中。有往來不窮之妙。是謂著之通。見而爲七八九六之數。謂之象。形而爲剛柔動靜之爻。謂之器。此乃聖人制爲卜筮。以教人。是爲操著之法。民一出一入咸用之。以爲利。則爲用著之神。○平庵項氏曰。第三節言畫卦布爻之法。以是故發辭。闢戶謂之坤。言畫偶爻也。凡偶皆屬陰。闢戶謂之乾。言畫奇爻也。凡奇皆屬乾。一闢一闢。謂之變。六畫既成。剛柔相雜。言成卦也。往來不窮。謂之通。九六之動。交相往來。言之卦也。皆自神而明之也。按其迹而言。見於著策。謂象形於卦。爻謂器制用之。謂卜筮之法。可謂明矣。究其用言之。枯莖敗槩。而內外靜作之務。皆資於利用。王公阜隸之人。皆用以決疑。極深研幾。其妙如此。豈非天下至神乎。此自明而神明也。此下復推明制作之本。

是故易有大極。是生兩儀。兩儀生四象。四象生八卦。

大音泰

本義

一每生二。自然之理也。易者陰陽之變。太極者其

理也。兩儀者始爲一畫以分陰陽。四象者次爲二畫以

分太少。八卦者次爲三畫而三才之象始備。此數言者

實聖人作易自然之次第。有不假絲毫智力而成者。畫

卦標著其序皆然。詳見序例啓蒙。

朱子曰。天地之間只

已更無餘事。此之謂易。而其動其靜必有所以動靜之

理焉。是則所謂太極也。○易有太極。便是下面兩儀四

象。八卦。自三。百。八。十。四。爻。總爲六十四。自六十四。總爲

八。卦。自八。卦。總爲四象。自四象。總爲兩儀。自兩儀。總爲

太極。以物論之。易之有太極。如木之有根。浮圖之有頂。

但木之根。浮圖之頂。是有形之極。太極却不是一物。无

方所頓放。是无形之極。故周子曰。无極而太極。是他說

得。有功處。然太極之所以爲太極。却不離乎兩儀四象。

八卦如一陰一陽之謂道。指一陰一陽爲道。則不可。然道不離乎陰陽也。○易有太極。是生兩儀。卽所謂易也。但先倒說此一句。故曰易有太極。○太極十全。是其一箇善。若三百八十四爻中有善有惡。皆陰陽變化後方有。○周子康節說太極。是和陰陽。衮說易中便擡起說。周子言太極動而生陽。靜而生陰。動時便是陽之太極。靜時便是陰之太極。蓋太極只在陰陽裏。如易有太極。是生兩儀。則先從實理處說。若說其生。則俱生。太極依舊在陰陽裏。但言其次序。須有這實理。方始有陰陽也。其理則一。雖然。自見在事物而觀之。則陰陽函太極。推其本。則太極生陰陽。○問一陰一陽上。又各生一陰一陽之象。以圖言之。兩儀生四象。四象生八卦。節節推去。固容易見。就天地間著實處。如何驗得。曰。一物上自各有陰陽。如人之男女。陰陽也。逐人身上。又各有這血氣。血陰而氣陽也。如晝夜之間。晝陽也。夜陰也。而晝陽自午後屬陰。夜陰自子後又是陽。此便是陰陽。各生陰陽之象。○南軒張氏曰。易者生生之妙。而太極者所以生生者也。

八卦定吉凶。吉凶生大業。



有吉有凶是生大業

朱子曰。卦畫既立。便有吉凶。在裏。蓋是陰陽往來交錯於

其間。時則有消長之不同。長者便為主。消者便為客。事則有當否之或異。當者便為善。否者便為惡。即其主客善惡之辨。而吉凶見矣。故曰八卦定吉凶。吉凶既決定而不差。則以之立事而大業自此生矣。○雲峯胡氏曰。易有交易之義。上文所謂闔闢往來者。易也。故承上文而言其所以闔闢往來而不窮者。以其有是犬極之理也。此章所謂兩儀四象八卦即易也。又原其始而言者。惟其有犬極之理。所以生儀生象生卦。而謂之易也。以畫卦則始為一畫。以分陰陽。而謂之兩儀。次為二畫。以分老少。謂之四象。又次為三畫。而謂之八卦。以揲著則一揲而有兩儀之象。次二揲而有四象之象。又三揲而有八卦之象。自一生兩。皆有犬極之理存焉。吉凶生大業。有理必有用也。○臨川吳氏曰。易謂陽奇陰偶。互相更換。而為四象八卦也。犬者大之至也。極者屋棟之名。天地間之有此理。猶屋之有極也。易有犬極。謂一陰一陽之相易。有理以為之主宰也。儀匹也。一陰一陽相匹配。而為兩卦之第一畫也。是謂兩儀。兩儀之上。各加一陰一陽。則倍二而為四。卦之第二畫也。是謂四象。四象

之上。又各加一陽一陰。則倍四而為八。卦之第三畫也。是謂八卦。有此八卦。則其別有六十四。而可用之占筮。以定吉凶。俾民无所疑。而勇於趨事赴功。故曰生大業。此蓋申言方以知之卦。因及卜筮者所尚之占。二四而八。卦之方也。定吉凶。生大業者。其知也。○平庵項氏曰。自太極以至末章。為第四節。極言聖人制作之本。然制作之本有三。易有太極。以下六句。言爻象之所由生。法象莫大乎天地。以下六句。言成器之所由立。天生神物。以下四者。為易書之所由作。

是故法象莫大乎天地。變通莫大乎四時。縣象著明。莫大乎日月。崇高莫大乎富貴。備物致用。立成器以為天下利。莫大乎聖人。探賾索隱。鈎深致遠。以定天下之吉凶。成天下之亹亹者。莫大乎蓍龜。縣音玄。探吐商。反。索色白反。

本義

富貴。謂有天下履帝位。立下疑有闕文。亹亹猶勉。

勉也。疑則怠。決故勉。

朱子曰。探賾索隱。若與人說話時。須聽他雜亂說。將出來底。方可。

索他那隱底。問以定天下之吉凶。成天下之亹亹。曰。

人到疑而不能決處。便放倒了不肯向前。動有疑阻。既

得卜筮知其吉凶。自然勉勉住不得。則其所以亹亹者

是卜筮成之也。○易占不用龜而每言著龜。皆具此理

也。○進齋徐氏曰。法謂效法象。謂成象萬物之生有顯

有微。皆法象也。而莫大乎天地萬化之運終則有始。皆

變通也。而莫大乎四時。天文煥爛。皆懸象著明也。而莫

大乎日月。崇高以位。言而貴為天子富有四海者。為尤

大。智者創物。巧者述之。皆足以為利。而物无不備用。无

不致立成器。以為天下利者。惟聖人為大。賾隱以物象

言。深遠以事理。言探之索之。則賾者陳而隱者顯矣。鉤

謂曲而取之。致謂推而極之。則深者出而遠者至矣。卦

爻示人者。明若觀火。則有以決其吉凶。而勉其有成也。

故曰成天下之亹亹者。莫大乎蓍龜。上三言以易之在

造化者。言也。下三言以易之在人事者。言也。天地有自

然之法象。非崇高富貴位與天地並。何以脩道而立教。

四時有自然之變通。非聖人作易變通盡利。何以神化

而宜民。日月之明。旁燭幽遐。非易之示人本隱之顯。何

以開物成務。是三言者各有所合也。○雲峯胡氏曰。此六者之功。用皆大也。聖人欲借彼之大。以形容著龜功用之大。故以是終焉。○節齋蔡氏曰。經文立字下。當有象字。

是故天生神物。聖人則之。天地變化。聖人效之。天垂象。見吉凶。聖人象之。河出圖。洛出書。聖人則之。

見賢遍反



此四者。聖人作易之所由也。河圖洛書。詳見啓蒙

雙湖胡氏曰。神物謂蓍。則之而四十九之用。以行變化。謂陰陽效之。而卦爻之動靜。以備象。謂日月星辰。循變失度。而吉凶見。象之而卦爻有以斷吉凶。圖書則金木水火土生成。克制之數。則之而卦畫方位。以定。皆作易之本也。○南軒張氏曰。通於天者。河也。有龍馬負圖而出。此聖人之德。上配於天。而天降其祥也。中於地者。洛也。有神龜戴書而出。聖人之德。下及於地。而地呈其瑞也。聖人則之。故易興於世。然後象數推之。以前民用。卦爻推之。以前民行。而示天下後世也。○雲峯胡氏曰。四者言聖人作易之由。而易之所以作。由於卜筮。故又以

天生神物始焉

易有四象所以示也繫辭焉所以告也定之以吉凶所以

斷也斷丁亂反



四象謂陰陽老少示謂示人以所值之卦爻

錢氏藻曰

有其象无其辭則示人以其意而已聖人懼後世不能與知也於是係之辭以告之定其辭以斷之曰示則使人有所見曰告則使人有所知曰斷則使人无所疑○漢上朱氏曰聖人所以示人吉凶也易於吉凶有以利益言者有以情遷者有義命當吉當凶當亨當否者一以貞勝而不顧非聖人不能定之也定之者所以斷之○雲峯胡氏曰示四象所以開物繫辭斷吉凶則可以成務而天下之道无不在其中此蓋總一章專言卜筮之意也

右第十一章

本義

此章專言卜筮

雙湖胡氏曰。此章凡八稱聖人。皆指伏羲。只繫辭以告是

文王周公事。首揭夫易何為者也。一句為問辭。喚起一章大意。而以夫易開物以下為答辭。盡說歸卜筮。其下六箇是故。一箇是以。皆發明卜筮之事。第一箇是故。說聖人以通以定以斷。總言卜筮之網也。第二箇是故。言聖人以此洗心。第三箇是以言聖人以此齋戒。此即卜筮以用卜筮也。第四箇是故。分言闔戶為坤闢戶為乾。以明畫卦布爻之法。第五箇是故。提起易有太極。以論生儀象卦之法。亦揲著求卦之事。第六箇是故。雖論天地四時日月。實歸重聖人有富貴之位。能致用立器以利天下。而必以著龜成亶亶者結之。亦聖人事也。至第七箇是故。四致意於聖人則之效之象之則之。而末及文王周公之辭焉。故本義謂此章專言卜筮。而伏羲畫卦之法。其綱領已備。見於是。而圖書為作易之原。亦因是而發焉。此皆不可不知也。

易曰。自天祐之。吉无不利。子曰。祐者。助也。天之所助者。順

也。人之所助者信也。履信思乎順，又以尚賢也。是以自天祐之，吉无不利也。

本義

釋大有上九爻義。然在此无所屬，或恐是錯簡，宜

在第八章之末。

漢上朱氏曰：天之所助者，順也。人之所以尚賢，是以自天祐之，吉无不利。言此明獲天人之理。

然後吉无不利。聖人明於天之道而察於民之故，合天
人者也。○柴氏中行曰：聖人興易以示天下，欲居則觀其象而玩其辭，動則觀其變而玩其占。捨逆取順，避凶趨吉而已。六十四卦中如大有上九爻辭之順道而獲吉者多矣。夫子於此再三舉之者，以自天祐之，吉无不利之辭，深見人順道而行，自與吉會之意。

子曰：書不盡言，言不盡意。然則聖人之意，其不可見乎？子曰：聖人立象以盡意，設卦以盡情，繫辭焉以盡其言，變

而通之以盡利。鼓之舞之以盡神。

本義

言之所傳者淺。象之所示者深。觀奇耦二畫包含

變化。无有窮盡。則可見矣。變通鼓舞。以事而言。兩子曰字。疑衍其一。蓋子曰字。皆後人所加。故有此誤。如近世通書乃周子所自作。亦為後人每章加以周子曰字。其

設問答處。正如此也。

或問書不盡言。言不盡意。一章。朱子曰。立象盡意。是觀奇耦兩畫包含

含變化。无有窮盡。設卦以盡情偽。謂有一奇一偶。設之於卦。自是盡得天下情偽。繫辭焉。便斷其吉凶。變而通之以盡利。此言占得此卦。陰陽老少交變。因其變。便有通之之理。鼓之舞之以盡神。未占得則有所疑。既占則无所疑。自然使得人脚輕手快。行得順便。如大衍之後。言顯道神德行。是故可與酬酢。可與佑神。定天下之吉凶。成天下之亹亹。言不盡意。是聖人設問之辭。曰。也是如此。亦是言不足

以盡意。故立象以盡意。書不足以盡言。故因繫辭以盡言。又曰。書不盡言。言不盡意。是元舊有此語。○立象以盡意。不獨見聖人有這意思。寫出來。自是他象上有這意。設卦以盡情。偽不成。聖人有情。又有偽。自是卦上有這情。偽。但今曉不得他那處是偽。如下云。中心疑者。其辭支。誣善之人。其辭游。也不知如何是支。是游。看來情偽。只是箇好。不好。如剥五陰。只是要害。一箇陽。這是不好底情。便是偽。如復。如臨。便是好底卦。便是真情。○歐公謂書不盡言。言不盡意者。非蓋他不曾看立象以盡意一句。惟其言不盡意。故立象以盡之。學者於言上會得者。淺。於象上會得者。深。○問立象設卦繫辭。是聖人發其精意。見於書。變通鼓舞。是聖人推而見於事否。曰。是。○變而通之。以盡利。鼓之舞之。以盡神。立象設卦。繫辭。皆謂卜筮之用。而天下之人。方知所以避凶趨吉。奮然有所興作。不知手之舞之。足之蹈之之意。故曰。定天下之吉凶。成天下之亹亹者。莫大乎蓍龜。猶催迫天下之人。勉之爲善。相似。○問變而通之。如禮樂刑政。皆天理之自然。聖人但因而爲之。品節防範。以爲教於天下。鼓之舞之。蓋有以作興振起之。使之遷善而不自知否。曰。鼓之舞之。便無所用力。自是聖人教化如此。政教皆

有鼓舞。但樂占得分數較多。自是樂會如此而不自知。
○問鼓之舞之以盡神。又言鼓天下之動者存乎辭。鼓
舞恐只是振揚發明底意思。否。曰。然。蓋提撕警覺使人
各爲其所當爲也。如初九當潛。則鼓之以勿用。九二當
見。則鼓之以利見大人。若無辭。則都發不出了。○臨川
吳氏曰。立象。謂義皇之卦畫。所以示者也。盡意。謂无言
而與民同患之意。悉具於其中。設卦。謂文王設立重卦
之名也。盡情。偽。謂六十四名足以盡天下事物之情。其
情之本乎性而善者曰情。情之拂乎性而不善者曰偽。
辭。謂文王周公之彖爻。所以告者也。義皇之卦畫足以
盡意矣。文王又因卦之象。設卦之名。以盡情。偽。然卦雖
有名。而未有辭也。又繫彖辭。爻辭。則足以盡其言矣。此
三句答上文。不盡言。不盡意。二語。設卦一句。在立象之
後。繫辭之前。蓋竟盡意之緒。啓盡言之端也。盡意。盡情。
偽。盡言者。皆所以爲天下利。又恐其利有所未盡。於是
作撰著十有八變之法。使其所用之策。往來多少相通。
不窮。而其所得之卦。一可爲六十四。亦相通不窮。其象
其辭。皆可通用。而不局於一。則其用愈廣。而足以盡利
矣。因變得占。以定吉凶。則民皆无疑。而行事不倦。如以
鼓聲作舞容。鼓聲愈疾。而舞容亦愈疾。鼓聲不已。而舞

容亦不已。自然。然。不知其孰使之者。所謂盡神也。項氏云。立象設卦繫辭三盡者。作易之事。變通鼓舞二盡者。用易之事。愚謂立象設卦象也。繫辭辭也。變通變也。鼓舞。占也。

乾坤其易之緼耶。乾坤成列而易立乎其中矣。乾坤毀則

无以見易。易不可見則乾坤或幾乎息矣。

幾音機

程子曰。乾健坤順。人亦不曾果是體認得。乾坤毀則无以見易。



緼所包蓄者。猶衣之著也。易之所有陰陽而已。凡

陽皆乾。凡陰皆坤。畫卦定位。則二者成列而易之體立

矣。乾坤毀謂卦畫不立。乾坤息謂變化不行。

朱子曰。乾

緼耶。乾坤成列而易立乎其中。這又只是言立象以盡意。設卦以盡情。偽易不過只是一箇陰陽奇偶。千變萬變。則易之體立。若奇偶不交變。奇純是奇。偶純是偶。去那裏見易。易不可見。則陰陽奇偶之用。亦何自而辨。問

在天地。上如何。曰。關天地。什麼事。此是說易不外奇偶。兩物而已。○自易道統體而言。則乾陽坤陰。一動一靜。乃其緼也。自乾坤成列而觀之。則易之爲道。又不在乾坤之外。唯不在外。故曰。乾坤毀。則無以見易。然易不可見。則乾自乾坤自坤。故又曰。易不可見。則乾坤或幾乎息矣。○乾坤其易之緼。緼如緼袍之緼。是箇胎骨子。又曰。易是包著此理。乾坤即是易之體骨。○易之言乾坤者。多以卦言。易立乎其中。只是言乾坤之卦。旣成而易立矣。又曰。乾坤成列。易立乎其中。乾坤只是說二卦。此易只是說易之書。與天地設位而易行乎其中之易不同。行乎其中者。却是說易之道理。又曰。天地設位而易行乎其中。以造化言之也。乾坤成列而易立乎其中。以卦位言之也。○乾坤成列。便是乾一。兌二。離三。震四。卦都成列了。其變易方立乎其中。若只是一陰一陽。則未有變易在。又曰。易有大極。則以易爲主。此一段文意。則以乾坤爲主。○問。乾坤成列。是說兩畫之列。是說八卦之列。曰。兩畫也是列。八卦也是列。○乾坤毀。則無以見易。易只是陰陽卦畫。沒這幾箇卦畫。憑箇甚寫出。那陰陽造化。何處更得易來。這只是反覆說。易不可見。則乾坤或幾乎息。只是說揲著求卦。別更推不去。說做造化。

之理息也得。不若前說較平。○潛室陳氏曰。本義云。乾
坤毀謂卦畫不立。乾坤息謂變化不行。此據先天圖言。
謂落筆之初。陽畫在右。陰畫在左。只此二畫分。左右成
行列。而一部易書已在其中。設若當時分此兩畫不成。
則易書无自而見。便是乾坤毀无以見易。設若當時作
此易書不成。則二畫幾於歇滅无用。便是易不可見。則
乾坤息。此意雖主說易書。然天地大化亦只如是。○誠
齋楊氏曰。六十四卦。其陽爻皆乾之自出。其陰爻皆坤
之自出。乾坤二卦。乃六十四卦之奧府。三百八十四爻
之寶藏。乾坤立則易立。乾坤隱則易隱。非乾坤有毀息
之理也。言易與乾坤不可以相无也。○建安丘氏曰。易
未嘗无。乾坤亦未嘗息。特以卦畫不立。无以見其變。易
之理。而併於乾坤之功用。不可得而見爾。○雲峯胡氏
曰。乾坤即是奇偶二畫。易以道言。畫以兩而相並。故曰
列。道以一而隱乎其中。故曰立乎其中。畫不列
則道无由而自見。道不著則畫不能以自行。

是故形而上者謂之道。形而下者謂之器。化而裁之謂之
變。推而行之謂之通。舉而措之天下之民。謂之事業。

程子曰。有形皆器也。无形爲道。○形而上爲道。形而下爲器。須著如此說。器亦道。道亦器也。○繫辭曰。形而上者謂之道。形而下者謂之器。又曰。立天之道曰陰與陽。立地之道曰柔與剛。立人之道曰仁與義。又曰。一陰一陽之謂道。陰陽亦形而下者也。而曰道者。唯此語截得上下最分明。元來只此是道。要在人默而識之也。○如形而上者謂之道。不可移。謂字在之字下。此孔子文章○形而上者謂之道。形而下者謂之器。若如或者以清虛一大爲天道。則乃以器言而非道也。○佛氏不識陰陽晝夜死生古今。安得謂形而上者與聖人同乎。○張子曰。形而上者是无形體。故謂之道。形而下者是有形體。故謂之器。无形迹者即道也。如大德敦化是也。有形迹者即器也。見於事實是也。又曰。聖人因天地之化。截節而立法。使民知寒暑之變。故爲之春夏秋冬。亦化裁之一端爾。○朱子曰。形而上者謂之道。形而下者謂之器。形而上者指理而言。形而下者指事物而言。事物皆有其理。事物可見而其理難知。即事即物便見得此理。只是如此看。又曰。形而上底虛。渾是道理。形而下底實。便是器。這箇分說得極精切。故明道云。唯此語截得上下最分明。又曰。道是道理。事事物物皆有箇道理。

器是形跡。事事亦皆有箇形跡。有道即有器。有器須有
 道。物必有則。又曰。可見底是器。不可見底是道。理是道。
 物是器。○問形而上。下如何以形言。曰。此言最的當。設
 若以有形。无形言之。便是物與理相間斷了。所以謂攔
 截得分明者。只是上下之間分別得一箇界至分明。器
 亦道道亦器。有分別而不相離也。○問伊川云。形而上
 謂道。形而下謂器。須著如此說。曰。這是伊川見得分明。
 故云須著如此說。形而上者是理。形而下者是物。如此
 開說方見得分明。如此了方說得道不離乎器。器不違
 乎道處。如爲君須止於仁。爲臣須止於敬。爲子須止於
 孝。這皆是道理合如此。若不恁地索性兩邊說。怎生說
 得通。又曰。器亦道道亦器也。道未嘗離乎器。道只是器
 之理。這人身是器。語言動作便是人之理。理只在器上。
 理與器未嘗相離。○問明道云。陰陽亦形而下者。而曰
 道。只此兩句截得上下分明。截字莫是斷字誤。曰。正是
 截字。形而上形而下。即就形處離合分別。此正界至處。
 若只說作在上在下。便是兩截矣。○南軒張氏曰。道不
 離形。特形而上者而已。器具於道以形而下者也。易之
 論道器。特以一形上下而言之也。然道雖非器。而道必
 託於器。禮樂刑賞是治天下之道也。禮雖非玉帛。而禮

不可以虛拘。樂雖非鍾鼓。而樂不可以徒作。刑本遏惡也。必託於甲兵。必寓於鞭扑。賞本揚善也。必表之以旗常。銘之以鍾鼎。故形而上者之道。託於器而後行。形而下者之器。得其道而無弊。故聖人悟易於心。覺易於性。在道不溺於无。在器不墮於有也。○潛室陳氏曰。一物必有一理。道即器中之理。器既有形。道即因而顯。此是分開不得底事。先聖欲悟後學。不奈何指開示人。所以俱言形者。見得本是一物。若除了此字。止言上者。謂之道。下者。謂之器。却成二片矣。



卦爻陰陽皆形而下者。其理則道也。因其自然之

化而裁制之。變之義也。變通二字。上章以天言。此章以

人言。

或問形而上者謂之道。形而下者謂之器。如何分

形器。朱子曰。形而上者是理。纔有作用。便是形而下者。問陰陽如何是形而下者。曰。一物便有陰陽。寒暖生殺。皆見得是形而下者。事物雖大。皆形而下者。理雖小。皆形而上者。○問形而上者。謂之道。一段只是這一箇道理。但即形器之本體而不離乎形器。則謂之道。就

形器而言則謂之器。聖人因其自然化而裁之則謂之變。推而行之則謂之通。舉而措之則謂之事業。裁也。行也。措也。都只是裁行措這道。曰。是。○化而裁之謂之變。推而行之謂之通。這是兩截不相干。化而裁之屬前項。事漸漸化去。裁制成變則謂之變。推而行之屬後項。事謂推而爲別一卦了。則通行无礙。故舉而措之天下謂之事業。便只是定天下之吉凶。成天下之亹亹者。○化而裁之。方是分下頭項。推而行之。便是見於事。如堯典分命羲和許多事。便是化而裁之。到敬授人時。便是推而行之。○化而裁之謂之變。推而行之謂之通。裁是裁截之義。謂如一歲裁爲四時。一時裁爲三月。一月裁爲三十日。一日裁爲十二時。此是變也。又如陰陽兩爻。自此之彼。自彼之此。若不截斷。則豈有定體。通是通其變。將已裁定者推行之。即是通。謂如占得乾之履便是九三變。如乾乾不息則是我所當行者。以此措之於民則謂之事業也。又曰。化而裁之。化是因其自然而化。裁是人爲變。是變了他。且如一年三百六十日。須待一日日漸次進去。到那滿時這便是化。自春而夏。夏而秋。秋而冬。聖人去這裏截做四時。這便是變。又曰。只在那化中裁截取便是變。如子丑寅卯十二時皆以漸而化。不見

其化之之迹。及亥子時便截取子屬明日。所謂變也。○問易中多言變通。通字之意如何。曰。處得好處便是通。問往來不窮。謂之通如何。曰。處得好處便是窮。不通便窮。問推而行之謂之通如何。曰。推而行之。便就這上行將去。且如亢龍有悔。是不通了。處得來无悔便是通。變是就時就事上說。通是就上面處得行處說。故曰通其變。只要常教流通不窮。問如貧賤富貴夷狄患難。這是變。行乎富貴行乎貧賤行乎夷狄行乎患難。至於无入而不自得。是通否。曰。然。○誠齋楊氏曰。此一節所以別言易道之體。極言易道之用也。何謂體。曰。道曰器是也。何謂用。曰。變曰通曰事業是也。○雲峯胡氏曰。形者。謂動而可見之時。自此而上則无體。故謂之道。即上文所謂易也。自此而下則有體。故謂之器。即上文所謂乾坤奇偶之畫也。理一而神。氣兩而化。聖人因其自然之化而裁制之。故謂之變。理无窮。畫之生也亦无窮。聖人則裁制之。爲六畫。裁爲上下爲內外。裁有定體。行无定用。如乾之變。當潛而行。潛之事。則潛爲通。當見而行。見之事。則見爲通。事者業之未成。業者事之已著。是故夫象。聖人有以見天下之賾。而擬諸其形容。象其物。

宜是故謂之象。聖人有以見天下之動，而觀其會通以行其典禮，繫辭焉以斷其吉凶，是故謂之文。

本義

重出以起下文。

臨川吳氏曰：象其物宜，謂文王之象。申設卦以盡情偽，一句繫辭以

斷吉凶。謂周公之文。申繫辭焉以盡其言一句。

極天下之賾者存乎卦，鼓天下之動者存乎辭。

本義

卦即象也。辭即文也。

朱子曰：極天下之賾者存乎卦，謂卦體之中備陰陽變易

之形容。鼓天下之動者存乎辭，是說出這天下之動。如鼓之舞之相似。卦即象也。辭即文也。大抵易只是一箇陰陽奇偶而已。此外更有何物？○雲峯胡氏曰：窮天地萬物之象而歸諸卦，故曰極。發天地萬物之理而見乎辭，故曰鼓。

化而裁之存乎變，推而行之存乎通，神而明之存乎其人。

默而成之不言而信存乎德行行下孟反

程子曰。易因爻象論變化。因變化論神。因神論人。因人論德。行大體通論易道。而終於默而成之。不言而信。存乎德行。○問繫辭自天道言。中庸自人事言。似不同。曰。同。繫辭雖始從天地陰陽鬼神言之。然卒曰默而成之。不言而信。存乎德行。中庸亦曰鬼神。之為德。其盛矣乎。視之而不見。聽之而不聞。體物而不可遺。使天下之人。齊明盛服。以承祭祀。洋洋乎。如在其上。如在其左右。詩曰。神之格思。不可度思。矧可射思。夫微之顯。誠之不可揜。如此夫。是豈不同。



卦爻所以變通者在人。人之所以能神而明之者。

在德。

或問化而裁之謂之變化。化而裁之存乎變。如何分。

朱子曰。上文化而裁之。喚做變。下是就這變處見得化。而裁之。○變化字多相對說。化裁之變。又說得來重。如云幽則有鬼神。鬼神本皆屬幽。然以鬼神二字相對說。則鬼屬幽。神又自屬明。變化相對說。則變是長。化是消。○神而明之一段。却與形而上謂之道相對說。自

形而上謂之道說至於變通事業。是自至約處說入至粗處。自極天下之賾者存乎卦至神而明之。又自至粗上說入至約處。默而成之。不言而信。則說得又微矣。建安丘氏曰。上文五謂者。皆聖人作易之用。此六存者。則聖人之用。夫易也。前言變通而歸之事業。推易道於民也。此言變通而歸之德行。存易道於己也。○雲峯胡氏曰。自形而上之道至事業。由至微推出至著。自極天下之賾至德行。由至著收歸至微。上繫凡十二章。末乃曰。書不盡言。言不盡意。蓋欲學者自得於書言之外也。自立象盡意至鼓天下之動者存乎辭。反覆易之書言可謂盡矣。末乃曰。默而成之。不言而信。存乎德行。然則易果書言之所能盡哉。得於心為德。履於身為行。易之存乎人者。蓋有存乎心身而不徒存乎書言者矣。

右第十二章

誠齋楊氏曰。此章言聖人作易之意。其散在六十四卦之文章。其聚在乾坤之

二卦。聖人用易之道。其散在天下之事業。其聚在一身之德行也。又曰。易有三。一曰天易。二曰竹易。三曰人易。天尊地卑。乾坤定矣。天易也。書不盡言。言不盡意。竹易也。存乎其人。存乎德行。人易也。有

聖人焉能行易之道。神而明之。默而
成之。則易不在天。不在竹。而在人矣。

周易傳義大全卷之二十二

